

1
IANI DOVSÆ
NORDOVICIS
SCHEDIASMA
SVCCIDANEVM

7
*nuperis ad Tibullum PRAE-
CIDANEIS addendum.*

Eiusdem ad familiarem quandam GERARDI FAL-
KENBURGII Epistolam responsio, ab adolescentu-
lo iam olim commentata & scripta: ac nunc recens pri-
mulum Tibulli & Propertij caussa maxime, quorum
enarrationes partim, partim correctiunculas continet,
typis aliquando diuulgata.

GERARDI FALKENBURGII Epigram-
mata quaedam Graeca.



ANTVERPIAE,
Ex officina Christophori Plantini.
M. D. LXXXIX.



IANVS DOVSA³

NORDOVIX PAVLO

MELISSO FRANCO

Comiti Palat. & Eq.

Cæs. C. Ro.

S. P. D.



INSIGNITÆ ac raræ in Falckenbûrgio nostro animi dotes
fuere, magnum honestissimarum artium studium, industriæ
indoles haud vulgaris cum pari integritate cõiuncta, iam sermo, conuictus, mores,
omnia ad venustatem facta oppidò.

Sed hæc modò (heu) fuere: nunc recondita

Silent quiete. verum vt vel hinc esse
Nasonianum illud conuincamur scilicet:

Optima prima ferè manibus rapiuntur auaris,

Implentur numeris deteriora suis.

Et quisquam leges audet mihi dicere flendi,
qui quidem Falckenburgium visum

Vnquam cognitumq. habuerit sibi? Non tu scio, mi Melisse. etsi iure id quidem. non enim amoris pertinacia te vinco; erga Falkenburgium utique, cui & tu interiore adeò familiaritatis nexu obstrictus, & diuturnioribus quotidianæ vitæ delinimentis tantùm non agglutinatus fuisse videri potes. Itaque nihil etiam addubito, quin contubernali tuo, ne dicam fratri, lessum propè feceris lamentando, atque istam animi tui ægritudinem naturali potius, quàm Poëtico pipulo exoneraueris iam olim. Quid enim? coniecturam ipsius facio de me.

Qua si fortè dies potuit te soluere cura,

Quam tibi duritiem pectoris esse putas?

Ego certè in hominis amicissimi mëtione desiderio admoderari vix possum: eò me hercule iustiori, quò crudior immaturior-que bonis omnibus eiusdè interitus visus.

Accedit lachrynis nostris lethi genus ipsum,

Letho omni, atque ipsis tristius exsequis.

Quod

Quod vel maximè dolorem meum exulcerat, obuersatur oculis communis rei literariæ nostræ iactura, tot vigilatarum noctium cassi atque infructuosi labores scilicet. quorum opera haud dubiè comparitura fuerat aliquādo, si virtutes huius maturuissent. Et hæc quidem querimonia in publicum spectat: illa priuata ac priua magis, fides nempe constantiaque amoris eius re cognita & mihi absenti tamen; ne superioribus quidem tempestatibus tristissimis illis ac multò turbulentissimis vel minima sua ex parte conuulsa vnquam aut labefaetata.

*Testes missa tuo auspicio Schediasmata, testis
Conscriptum articulis huius Epistolum.*

*Qua nisi grata mihi duplici tū nomine, caussam
Haud dico, ingratus quin tibi iure cluam.*

*Atqui etiam Falkopyrgum si nullus amasset
Doûsa, tamen poterat munus amare tuum.*

Testis nouissima deniq. ipsius, quæ dico,
& quidem in intimam vsque Batauiam

tribus ante obitum suum annis, mei solus
videndi causa, suscepta simul & peracta
peregrinatio. ut interim vetera illa & Bra-
bantica ne dicam, opera eiusdem potissimum
ac comitate Io. Goropii (atque virum?)
Doussicæ amicitiae insinuatam primitus:
simul Nordouicis Musæi quasi incuna-
bula musteo Nonni volumine, ingenioli
nostri vix etiamdum herbescentis primitias
honestissimo Græci Epigrammatis præ-
conio auctiores redditas, imò verò hone-
stiores. de quarum editione maturanda idem
ille non minus id temporis anxie satagere vi-
debatur, quam si res sua ipsius fuisset. Ita-
que & Siluianam segnitie increpare, mo-
rasque castigare idem: mox etiam, quum
nostra illa prælo subiicerentur, non modò
in re præsentem esse, sed verò operis quoque
ipsis ac typorum correctioni præesse: fre-
quentes & quasi statas cum Victore meo
operas tradens mutuò: qua cura, qua fide,
vel nobis tacetibus, indicio res ipsa. Quo
qui-

quidem tempore (annis putà abhinc duodecim) nescio quæ subsœciæ operæ in Tibullū ac Propertium hariolationes, sic quasi sub manu natæ, quodamq. iuuenili impetu potius, quàm morosa cogitatione expressæ desubitò nobis pænè abortientibus exciderāt. Dederā hoc Becani auctoritati, dederā ipsi in primis Falkenburgio; cui diutius id ipsum debere non poteram, exactiōne præsertim æquissima & quidem per scriptas literas efflagitatus. nihil minus fore cogitans tamen, quàm vt ea porrò vnquam

Luminis in dias oras, inq̃, ora venire

Docta virū, aut plausus paterer captare popelli.
Eius adeò opellæ exemplum per superiorē illam plusquàm ciuiliū bellorū procellam temere (vt fit) inter liturarios meos abiectum, & quasi pro derelicto, imò perduto habitū clam nescio quò subterduxerat se nobis: Iacturā haud sanè grauem, si iactura dicenda vitreorum fractorū, scu-

torumq. aliquot, vel inaniū potius quif-
quiliarum amissio. Sed profectò Fortu-
na plæraque rerum humanarum ex lubi-
dine agitat sua:

*Et verè nimium Pictores cum grege Vatum,
Verè inquā atq. catē (neq. fingunt omnia Vates)
Qui rota inhaerentem consistere casabundam,
Nec ratione minus, quàm luce oculisq. carere,
Carminibus, pictisq. fidem fecere tabellis.*

vt nihil mirum iam sit, numen Deæ istius
ventosissimæ in nugis iuxtà ac serijs do-
minari,

Seu potius ludos more suo facere.

Quid euenerit, rogas? Quod quidem ego
hercule nullus vnquā sperarā, neq. istius-
modi apinarū prolubio meruisse sanè vi-
debar mihi. & vide, obsecro te, συγκύρημα.
Ipsam farraginē illam, quā dico, Falken-
burgius noster iā olim cum amicis cōmu-
nibus, Becano puta, Giselino, aliis cōmu-
nicatā etiā Pulmanno insuper suo pte eam
arbitratu pertractandi fecerat copiam.

qui

quī iterata lectione non contentus racemationes hasce nostras per fidem (vt dixi) aliquantisper mutuatus primulūm, mox manu ipse sua accuratissimè transscriptas sibi porrò ac familiaribus excepit. Quod melius caderet, nihil vidi. Et enim idē Pulmannus hic noster anno superiore (quoniā quidem operam nos haud infestiuam Tibullo dare de Plantino didicerat, imò inibi iam esse, vt in eum Poëtam opus aliquod Præcidaneum apparet) opera quoque hīc sua parcus esse, vel tam bellæ occasioni deesse noluit quo minus apographum istud

Per varios casus, per tot discrimina rerum
in hæc tempora seruatū Lipsio nostro ad nos rediturienti (vt Andverpiæ fortè in eum p̄se incidērat) promptus utiq. ac lubens vltro oblatū traderet, de manu (quod aiūt) in manū, ad Douſam perferendū Lugdunū vsque, hoc est, auctori suo restituendū in tempore. Ita quod & suo pte merito, &

A s ipsius.

ipsius adeò scriptoris incuria (certò, haud arbitrariò dico) in perpetuum perierat, exscriptoris industria & benignitate postliminiò receptum denique ac recuperatum.

Quorsum hæc tam putida tendunt? inquires.

Haud aliò, mi mellitissime Melisse, nisi ut qui me ambos antea (tã Pulmannum, quàm Falkenburgium dico) viuos maxime scis dilexisse, eorundem nunc defunctorum charitatem superstitute adhuc desiderio extendere, gratamque apud me vtriusque porrò ac sanctam esse memoriam intelligas. quam leui hoc scripto apud posteros quoque volui esse testatam. simul, ut in eapse illa, quantum quidem in me fuerit, propaganda cum amborum laude nomen pariter coniungens tuum, impetrabiliorẽ me concinnẽ tibi, in hocce quicquid est affaniarum diuulgando, quod virtute communium (ut dixi) amicorum maxime è mediis quasi incendijs sub-

Subductum te patronum iampridem at-
 q. assertorem quæritat sibi . Haud asper-
 naberis, puto, veteres hæc, ne obsoletas
 dicā; Douſicæ adorea primitias, quam &
 aliis nōnullis complacuisse iam antea, di-
 gnamque insuper scis habuisse, vnde bel-
 lissimum quodque sublectum in cume-
 ras palam conuerterent suas, nouo ado-
 ptionis iure scilicet . Ego autem quem-
 nam iustius adoptem mihi, cuiusve vin-
 dicis potius implorem fidē, quā illius,
 cuius ipse auctoritatem haud minoris
 sanè æstimo, quā publicam . Quare si
 veterem illam consuetudinē adhuc tuam
 in mutuo faciundo obtines atque conser-
 uas, hoc omne quicquid est oneris pro di-
 gnitate vtriusque nostrum tuendum tibi
 ac sustinendum putabis . Tute vnus e-
 nim si recipere hoc ad te dicis, confiden-
 tia est, quantum est maleuolorum pro-
 fligare nos posse . Et recipies, scio; ne-
 que Douſam vnquam tuum in tanta ob-
 stri-

strigillantium stribiligine deferres aut de-
iuvabis, neque factis, neque fide; in re
præsertim communi, & quæ non minus
ad Falkenburgij ipsius & Pulmanni ab-
sentium honorem, quàm ad Doussæ præ-
sentis, hoc est, viuentis etiamnum ac su-
perstitis existimationem pertineat. Id ve-
rò tuo isto patrocinio si consequar,

Possum inimicitias tunc ego ferre Iouis.

Hoc certè (si cura animis super vlla beatis

Rerum humanarum aut sensus inest aliquis)

Pulmanno gratum, gratum quoq. Falkopyrgo

(Crede mihi) quamuis post obitum eueniet.

Despectansq; polo nobis applaudet vterque,

Quum sua lecturi nomina iuncta tuis.

Et hic quidem eò mehercule impensius,
quoniam & ipso quoque

Tanto post, aliquot notæ Pelasgæ hic

Scriptorum à se Epigrammatum struices,

Iunctas literulis suis meisq;

Gande-

*Gaudebit pariter mihi, sibiq;
 Recognoscere, ruminariq;.*

quæ quidem Epigrammata idem ille, quum nouissimè (vt dixi) in Batauis nos interuiseret, amoris monumentum suo, pignori pro se discedens reliquerat nobis: vna nunc opera, Iulniani honoris gratia maximè, relictis Vestæ penetralibus lucem primùm (vt vides) aspectura. Habebis præterea (id quod rei est caput, quodque priore adeò loco oblatum oportuit.)

*Quoddam alterum hic sub nomine appa-
 rens tuo*

SYNTAGMA nostrum, rebus effertum
 nouis:

SYNTAGMA SVCCIDANEVM
 Notis illis,

Quas ad Tibullum publicauimus nuper:

quasi Epistolæ illius ad Falkenburgium directæ anteambulonem. de quo (ne epistolæ modum excedam) impræsentiarum aliud præfaturus non sum, quàm pro-

proletarium illud nostrum, cuius abs te
sententiam mutuati scilicet:

Da veniã subitis: & dum legis ista, memento

Me dare non librum, sed Schediasma tibi.

Vale, & fac rogo mutuum Melisse,

Mel & mellinæ meæ Melisse.

Vale; quicquid amas (ocelle) Douſam.

IANI

IANI DOVSÆ NORDOVICIS SCHEDIASMA

S V C C I D A N E V M

nuperis ad Tibullum Præci-
daneis addendum.

SCHEDIASMATIS SVMMÆ.



E Galli, Virgilij, Horatij, Tibulli, Propertij, ac Ovidij ætate denique distinctè ac dilucidè, cumq; antiqua aledum curatum fide dissertum. Tibullum omnium Collegarum suorum (de Elegia scriptoribus loquor) si Gallum unum excipias modò, quantum Eroticorum cluit antiquissimum; contra receptissimam illam, ne dicam præiudicatam tam huius, quàm superioris sæculi opinionem, qua inter Tibulli ac Ovidij Natales nullum habemus discrimen factum. in quo tantus Chronologorum error fuit, ut ante egressum ex ephebis Equitem solum Sulmonensem haud ætate propecta atque adultus modò, verum & iusto quoque militia sacramento auctoratus pro acri & strenuo ad legionem belatore laudatus fuerit Tibullus noster. donis insuper mili.

*militaribus virtutis ergò ab Imperatore suo meritas
 cohonestari. Id argumentis ac rationibus multò evi-
 dentissimis firmatum, ad forcillandam suppositicij il-
 lius Pentametri fidem scilicet, cuius de Ovidiano pe-
 nu Tibullo condonati communio omnes ad unū An-
 tiquarios nostros frustrà ac falsos habuerat antea.
 Eam in rem Horatiana auctoritas ad partes addu-
 cta, etiam Ovidij, nusquam inter aequales, sed verò
 ubique inter superioris ætatis Poëtas Albium Tibul-
 lum recensere visi. Gallum solido, quàm aly volunt,
 sexennio grandiorè, hoc est, nò ternos, sed octonos an-
 nos supra quadragesimū natum fuisse, quū à com-
 munis lucis usura sese abiudicaret. Eius Memphitici
 Regni procurationem, per quadriennium unum con-
 tinuatam modò, non in annum v. C. DCCXXI. ve-
 rùm potius DCCXXIV. incurrisse, præter mentem
 Interpretis Horatiani. Liliæ frustrationis castiga-
 tio à Dionis verbis minus cautè & cogitatè perpen-
 sis (ut apparet) nata. Macenatem annum unum mo-
 dò aut alterum Horatio superuixisse, funusq; adeò
 Poëta sui lugubri Epicedio prosequutum unde illo-
 rum pariter hominū denudatur inscitia, qui vitam
 Satyrici huius supra quartum ac sexagesimum an-
 num producere conati. De Propertiani tum obitus,
 tum Natalis anno coniectura. Tibullum eadem ferè
 tempestate, qua Maronem fatis concessisse, oculato
 quoque Marfi testimonio probatū, & quidem qua-
 drage-*

dragenario maiorem: nimisq; frustra esse eos, quibus in ipso iuuenilitatis flore exstinctum atque ante diem properato funere elatū placet, cū Horatiano indicio, tum indubitata Tibulli ipsius confessione argutis conuictisq;. Iuuenem, siue adeò Iuniorum appellatione insignitos iam inde à Regiis temporibus quorum atas annum nondum XLVI. supergressa. neque alia ratione Iuuenem quoque Tibullū à Marso perhibitū videri. Odam Horatianam Albiano nomini inscriptam ad alium neminem, quàm ad Elegiographum nostrum pertinere: neque eos audiendos, qui nescio quem Tibulli auum nobis consomniarunt: multò minus Crinitum, qui Poëta huius familiarem Propertium faciat, quo argumento inductus, nescio. *Alia quadam moneta haud vulgaris.*

Tempus esse iam pridem videtur, vt de Tibulli, deque primorum ac signiferū aliquot felicissimi illius Octauiani sæculi Poëtarū ætatibus vnum insuper etiamnum Caput coaceruemus, quod Præcidaneis in Tibullum nostris colophonē imponat denique. Sciendū igitur Seuiris illis, quos in syntagmatis huiusce frōtis pīcio nominatim recēsi singulos, omnibus ætate superiorē fuisse Cornelium Gallum. quippe cuius Poëtæ Nacales in C. Cassij. Vari, ac M. Licinij Luculli Consulatu incipit tum de Seruio, tum ex Eusebianis Chronicis cernitur, anno Urbis cōditæ DCXXCI. eo ipso scilicet,

licet, quod à Germanis duce Ariouisto occupatas Gallias, in Italia verò bellum Seruile à Spartaco conflatum, fidem Romani nobis faciunt Annales. Quem intra non totius quadriennij vertentis spatium Heroicus ille diuinissimi Maronis Genius consequutus, anno dccciv. ipso inquam Iduum Octobrium die, M. Licinio Crasso, & Cn. Pompeio Magno Coss. Nec plus singulari lustro interposito exortus nobis Horatius, ad v. i. Idus Decembr. L. Aurelio Cotta, L. Manlio Torquato supremum illum Magistratum gerentibus, anno nimirum dcccix. biennio autem ante Augusti Cæsaris Natalem, & famosissimam illam L. Sergij Catilinæ coniurationem à M. Tullio Cicerone, & C. Antonio anni sexcentissimi nonagesimi primi Cōsulibus detectam pariter oppressamque. Atque ut hæc omnia in confesso, ita diem annumque, quo Sex. Propertio lucis huius tuendæ copia data, usque ampliare porro, & velut in suspensio habere cogimur. suspicari tamen possumus haud inani utique aut languidæ fidei coniectura, cum se anno post plus minus octauo, nonne, an decimo?

Vitales hausisse auras ac lumina prima.

Argumentum, quod dico, nullum sanè aliud, quàm Poëtæ ipsius indicium habemus; apostrophē istam scilicet, quæ ex persona Hori illius Babylon-

bylonij idem semet ipſus affatur poſtremo de-
mum Elegiarum ſuarum volumine:

*Oſſaq; legiſti, non illa atate legenda,
Patris, & in tenues cogeris ipſe Lares.
Nam, tua quum multi verſarent rura iuuenti,
Abſtulit excultas pertica triſtis opes.
Mox, ubi bulla rudi demiſſa eſt aurea collo,
Matris & ante Deos libera ſumta toga;
Tum tibi pauca ſuo de carmine dictat Apollo,
Et vetat inſano verba tonare foro.*

Ecce vt ſtatim, aut non multò certè poſt acerbis-
ſimam illam Octavianæ Perticæ metationem,
municipaliumq; agrorum (quos ſubinde à Phi-
ppenſi bello veteranis in Italiam reductis aſſi-
nandos diſpartiendosq; de communis Trium-
phatus ſententia ad ſe receperat Auguſtus Cæſar)
ſtratam iniquiſſimè diuiſionem, Prætextam de-
ſtitam ſibi, vicemq; eius Virilem Togam aſ-
ſumptam, aureaq; Bullæ ornamenta Diſ Penati-
s ex more maiorum ſuſpenſa ac religioſè con-
ſecrata, diſertis de ſemet verbis profiteatur Pro-
perius noſter: Vno poſt Naſonem editum anno
ſecet (qui iam inde ab Vrbe primùm condita
ingentefimus porrò ac duodecimus numera-
to ipſo inquam, quo Tiberium Imperatorem
ſuū prodidit Suetonius. Quam quidē Togam,

hariolari licet, Vmbrum illum xvi. demum
ætatís anno accepisse:

*Seculi nempe sui morem atque exempla sequutum
Vergilij in primis, Donato ut teste probare est.*

Tametsi de Lipsio meo didicerim nuper, legiti-
mum Tyrocinij diem apud Romanos annum xv.
fuisse; atque exinde præctatos de ritu prisco in vi-
ros ex ephebis referri occæpisse primitus: neque
quenquam ante xiv. annum vertentem ius por-
rò habuisse liberæ ac Puræ vestis sumendæ. A qua
mente non nimium diversa Vetus Horatij Com-
mentator, qui pueros nobiles prætexta veste sub
disciplina ad annum vsque decimum quintum vsos,
apertissimè agnoscit. Cuius instituti rationem
quamobrem migrasse Callimachum illum Roma-
num planissimè persuaserim mihi, faciunt ipsius
verba suprà à nobis posita hoc exemplo:

*Tum tibi pauca suo de carmine dictat Apollo,
Et vetat insano verba tonare foro.*

Probabilius enim, ut Propertium septēdecennem
Genij atque ingenij maturitatem ad Elegiæ scri-
pitandæ studium contulisse opinemur, quàm ut
vix penè etiam tum puberem, necdum pennis
planè enatis scilicet, præcoci nimium ac temera-
rio conatu Pegaseiam illam volaturam auspica-
tam comminiscamur,

Icaro.

Icari ritu, vitreo daturum

Nomina ponto:

que (vt cum Petronio dicam) cruda adhuc stuant nō in Forum, sed verò in penitissima illa Calmachii ac Philetæ nemora, præcipiti sanè, ne perili dicam, impetu potius, quàm iudicio autione suffultum propulisse. Quid enim? Aliter Heroës illi, seu Græci, siue Latini vetustiores, que nos hodie vix trioboli, imò vix semissis vercatores, quibus totū istud, quod Poëtari vocamus, Scholasticū nescio quid, ac modò nō puero-nænia; neq. pol aliud sanè, quàm nugarū atq. ptiarū exoletus quidā ludus videtur. Præpositi homunciones (nā quo potius nomine honestos appellem, dubito) qui secretissima sacrama que illa Musarum penetralia vnīs puerulis dō, vel nescio quibus de triuio Magistellis pate, credi postulant sibi: in quorum aditu pertendo grauissimos quondam, maturrimæque tumtis, tum prudentiæ viros seque ac spes suas corripisse, irritō sæpe euentu comprobatū videmus. Oportius ergo non Ouidio modò, verum ipso am (si Dīs placet) Tibullo antiquior, quorum umque Hircio ac Pansa Coss. natum, vno ante eronem denatum anno scilicet, Urbis verò ditæ DCCXI. ipsis de se scribentibus fides comniter, & quasi præiudicio quodam habita vsq.

adhuc. Ac de Ouidio verum fateor, eum pſe nimirum altero Quinquatrum die, qui quidem ſextus poſt Idus Martias numeratur (vtri primitus à Lipſio noſtro ratio iſthæc putata examuſſim rectiſſimè.)

Dias productum in luminis auras.

De Tibullo ne inducar, temporum obſervatio repugnat planiſſimè. Nam quid amabo abſurdius, quàm eundem cum Sulmonenſi illo annum Natalitium Quiriti aſſignare huic noſtro? quem vtiſſimè conſtet iam tum in re præſenti oculatū potius, quàm auritum teſtem fuiſſe, qua tempeſtate M. Valerius Meſſalla cognomento Corvinus Aquitanas gentes Proconſulari poteſtate præditus ſubiugarat. vnde Triumphus eidem meritò de victis Gallis ab Auguſto quoque Cæſare citra invidiam conſeſſus. Ait enim Poëta ipſus de ſe, nec mentitur in gloriando:

*Nō ſine me eſt tibi partus honos: Tarbella Pyrene
Teſtis, & Oceani littora Sanctonici.*

Quò etiā pertinebit vetus illa & quidē Italica Inſcriptio, Tibullo ac nobis haud iniuriā ſanè à principe illo Scaligero cōmendata in Catalectis ſuis:

M. VALERIUS M. F. M. N. MESSALA
A. DCCXXVI. CORVINVS PROCOS.
EX GALLIA VII. K. APR

Niſi.

is si fortè Equitem nostrum adhuc prætextatum, necdum etiam ex ephebis plane, id est, statos terilis Tyrocinij annos egressum (Lipsianam imputationem sequi me scito) haud quidem castra, sed verò Tabernaculū Messallæ sui pro cunctis officij causâ comitatū cauilemur. ut esset, non Proconsul (ut fit) conquinescens incubitare posset scilicet. Atqui haud stipendia modò (quæ quidem ex prisco Romanæ militiæ more non nisi decimum septimum annum supergressis legitime primū ac sollenniter procedebant) Tibullum fecisse, verum hercule donis etiam militibus hoc ipso bello Aquitanico ob rem gnauè, haud ductariè gestam ab Imperatore suo donatum ornatumq. insuper, fidem porrò abundè ferit nobis vetus illa Vitæ Albianæ commemoratio, calamo exarata, non typis inquit. cuius inibiustum quoque aliquantum nobis præbuit idem le, quem dico, Imperator noster Mucius;

Nunc etiam Coruina ingens de stirpe propages

Scaligeris condignus avis & Casare patre.

Ecce nunc alterum quoq. non minus utique persuasibile ab Horatio argumentum, Poëtam hunc nostrum ita r. Carminum lib. Oda 1 v. de Glyceres eius insolentia ac fastu amiciter sanè conplante:

Albi, ne doleas plus nimio memor

B 4

Immi-

*Immitis Glyceræ; neu miserabiles
Decantes Elegos, cur tibi iunior
Lasa praniteat fide.*

Nam quî pote obiecto, vt Tibullus id ætatis Elegos istos miserabiles decantare potuerit, quem (si bene calculum ponimus) hoc temporis vix trilu-
strem ad summum, id est, quindecim annorum Poëtastrum fuisse comperiemus? Doceo ab ætate ipsius Horatij, qui proximo ab hoc volumine, tot tantisque interiectis Odarum struicibus, quadragenarium sese professurus primulum, hacce ad suspiciosissimum Sodalem suum clementi sanè deprecatione: *Fuge suspicari,*

*Cuius octauum properauit atas
Claudere lustrum.*

Vt enim biennij vnus vertentis spatium intercessisse demus modò, inter prioris illius, atque huius, quem postremum laudauimus, Horatiani Carminum libri compositionem, effici tamen nullis argumentorum probationibus potest, vt grandæuitatem istiusmodi Poëtæ huic nostro Arithmeti-
corum exculcet quispiam, quæ vel Glyceræ malacissandæ pro tenellæ adeò ætatulæ captu opportuna satis; nedum vt Elegiæ aptè scribendæ tempestiua esse aut haberi potuerit. Huc tertiæ ab hac Odes insuper auctoritas si accedit, victoriam illam nobilem vereque Augustam, qua apud Actium
cum

m collega Antonio & Cleopatra Ægypti Rebus de summa Imperij actum, ac debellatum nique, Cæsari congratulantis; vix erit, vt vel duodecim annos modò argutulo isti Glyceres amatorculo, adde Elegiarum cantori,

Vnde vnde, aut ullis rationibus extricemus.

quidem superiorem illam in vulgus receptam Albianis Natalibus opinionem, ne hæresin tam, alere porrò obstinatè ac fouere pertinemus.

At qui diuersum longè sonat Appula Pithe.

quò enim clausula illa iã laudata à nobis modò?

Cur tibi iunior

Lasa præniteat fide.

si, vt vel hinc saltem sic tanquam in speculo ibulli amatoribus diluceat, Poëtam cum alia re agis nulla æmulo ac riuale suo ab amica postpositum, quàm quòd alter iste plenus adhuc succi ac sanguinis, viridiorque haud paulò ac nervosior, est, Veneriam ad palæstram valentior robustiorque; noster contrà maturioris æui indidemq. languentior fortasse, quàm virosæ illi contemnificæque ac fastidij plenæ expediebat, haud obscure opudò videretur. tantum abest, vt vel adolescentulus, *Vel adhuc florente iuuenta*

Fervidus, officium Domina suaq. arma probare

Possit Eques, genuumq. hac tempestate virorem.

Satin' certum, ac tot testimoniis in vnum consti-
patis illustre factum denique Tibullum nihil mi-
nus, quàm Pansa Hircioque Coss. nasci potuisse?
& Pentametrum illum:

Cùm cecidit fato Consul uterque pari.

ex Peligni vestiarij synthesesibus Romano huic
Elegiographo perperam ac præter omnem Chro-
nologix fidem assutum? Certissimum utique, &
confirmat hariolationem nostrâ idem Triumvir
iste, quem dico Sulmonēsis suffragio perpeti, vno
Cornelio Gallo tantū (cuius diē Genitalē in an-
num Urbis DCXXXI. incurrisse, demonstraui-
mus iam antea, sex minimū ante Nasonem editum
Lustris, id est, totis annis xxx.) Tibullum inter
Elegiographos Latinos natu faciens posteriorem:
haud quidem sibi modò, sed verò ipsi Propertio
quoque hac ætatis prærogatiua disertè prælatum
non semel: nusquam tamen euidentius, quàm li-
bri Tristium v. Elegia x. quem locum, huicce pro-
posito meo haud sanè disconducere videtur, to-
rum porrò integrumque lecturis proponere, ad
coniecturæ nostræ stabilimentum:

Temporis illius colui, foniq; Poëtas:

Quotq; aderant vates, rebar adesse Deos.

Sape suas volucres legit mihi grandior auro,

Quaq; nocet serpens, qua iuuat herba, Macer.

Sape suo solitus recitare Propertius ignes,

Iure

Iura Sodalitij qui mihi iunctus erat.

Ponticus Heroö, Battus quoque clarus Iambo

Dulcia conuietus membra fuere mei.

Et tenuit nostras numerosus Horatius aures,

Dum ferit Ausonia carmina culta lyra.

Vergilium vidi tantum: nec auara Tibullo

Tempus amicitia Fata dedere mea.

Successor fuit hic tibi Galle, Propertius illi,

Quartus ab his serie temporis ipse fui.

Vtq; ego maiores, sic me coluere minores;

Notaq; non tardè facta Thalia mea est.

bi ritè ordineque ordinem ab Ouidio conserua-
um videmus, in eorum præsertim Poëtarū com-
memoratione, quos tyro ipse atque adulescen-
tor Musarum candidatus modò,

Spectatos satis & donatos iam rude pridem,

uasi veteranos emeritis stipendiis, Romæ co-
gnitos olim habuisset sibi: egregiis ingenij faci-
toribus potius, quàm effecti senij canitudine, vel
aluitij nota venerabiles: quorum adultæ ac ma-
urę glorię nouellus ipse veluti surculus succresce-

ret. Quo in numero Eroticorum illum Poëtarum
principem (Cornelium Gallum dico) desiderari,
quid mirum verò, aut graue? quando is octauo su-
pra quadragesimum ætatis anno (quoniam in cō-
iurationis suspicione apud Augustū positus fue-
rat) sua sibimet manu condemnatum eliserit spiri-

tura.

tum, quo quidem tempore ex ephebis primùm excesserat Naso. Quæ computatio eò pressius à nobis exiliusq. annales ad calculos reuocata, quòd in hac ipsa & vitæ & præfecturæ Cornelianæ terminatione Crinitû, Liliû, Cruquium, cæterosq. quantum est calculatores

Longius à vera videam ratione vagatos.

nemine non istorum sic quasi pro confesso adseuerante, Gallum nostrum matura iam inde ætate, anno nempe tertio & quadragesimo, gladio ius dixisse iactantiæ, ambitioni, atque insolentiæ suæ, hoc est, manufacta morte decretam aduorsum se Senatus damnationem in tempore præuenisse, vel potius ante tempus. Perperam (vti dictum est prius) imò verò cōtra compertissimā Romanæ historiæ fidem. quippe quem ex Fastorum Consularium subductione certo certius constet, anno post Aegyptiis denique, tum primùm Prouinciabilibus factis, cum Cæsariano imperio præfuisse. non quidem ab Urbis conditæ (vti Horatiano Interpreti placet) anno DCCXXI. vsq. ad DCCXXIV. (intra quod annorum spatium Regni Memphitici summa adhuc penes Antonium & Cleopatram, vel ipsi quoque Augusto formidolosos. tantum abest, vt vel Cornelianæ Præfecturæ, vel Octavianis decretis per eam tempestatem locus aliquis in Aegypto esse potuerit, superstitite etiam tunc,

anc, imò dominante triumvralis Imperij colle-
 a) verùm hercule sub eiusdem, quem postremum
 ominauimus, anni exodium, vel potius anni
 cccxxv. sequentis exordiū: in vacuā scilicet Re-
 ā imperū faciente Octauio. quā solitis præfidiis
 estitutam, & sine vindice, victoris impotentis li-
 idini, hoc est, prædæ ac pœnæ expositam obitu
 o reliquerat Antonius: mandandā porrò exinde
 suspectis ac præteritis Senatoribus) Equestris or-
 inis homini, nouo huicce Foro iulienſi Procura-
 ri, qui eampſe nomine Cæsaris in Prouinciæ
 armam redactam per quadriennium vnum mo-
 o, nec id tamen torum, tractasse princeps atque
 ministrasse creditur. Cuius quoniam & ætatis,
 annorum quibus apud Niliacas gentes cum pu-
 ico imperio fuit, plus satis superque ratio à no-
 s expensā ac disputatā, quid prohibet eundem
 a quoque opera à manifestæ calumniæ ignomi-
 a, qua præter omnē meritū suum à Lilio nescio
 o Gyrardo indignissimè affectus, quantum qui-
 m in me est, vindicare porrò atque defendere?
 ece enim æquum esse arbitror, vt Poëta tantus,
 mq. omnibus modis lepidus alienæ improbita-
 atq. malitiæ piaculari ritu succidandus fiat: vtq.
 insontem expetant, quæ ab altero malignè, imò
 rò iniuriosè patrata nobis cōmemorat Dio lib.
 om. Hist. l. iiii. vbi postquā Cornelianū nomē à
 Valerio

Valerio Largo, qui socius ei & cōiector fuerat, ad Cæsarem per summam perfidiam, atque iniustitiam delatum posteris prodidisset, subdit exempla nonnulla deniq., quæ ad ingeniū & mores ingratiſſimi criminatoris propius penitusque perconoscendos facere cum primis viſa. è quibus illud nimis mehercule præ cæteris festiuū ac memorabile de Proculeio: qui cū aliquādo accusatori isti quē dico, Poëtæ nōstri euerſori, fortuito obuiam factus eſſet, obiecta manu os & nares ipse cōpreſſerit ſibi. iis qui ſecum erāt hoc quaſi ſigno innuere volens ſcilicet, parum tutum eſſe Largo præſente vel loqui, vel respirare. Itē alterū de neſcio quo teſticulante, ac reſponſum Largi, quo palā ignobilem ſe illi obiectum profeſſus fuerat antea, ſuperſtitibus arbitris in Tabellas publicas referente. Quæ certiffima vtraq. malignantis, & quadruplatoris animi indicia, tanquā de ipſo Cornelio Gallo, non autem de criminatore eius Valerio Largo narrata, ex Dione porro nobis obtrudit Lilius. Os hominis. at quid ſimile? quaſi verò inter Accuſatoris & Rei vocabula diſcrimen nullū? At ego duo iſta non minus diſſidere inter ſe,

Frigida quàm calidis duco, atque humentia ſiccis.
 Qua quidē in re vtrumne incuriam Lilianā magis, an iſcitiā, an verò madidā memoriā potius demirer, neſcio. Sed nos, ſilicernij hui⁹ affaniis valere

re iussis, ad Galli præfecturâ denuò cõuortamur,
 i (id quod memorare occæperâ modò) in hac
 ouincia sua multorû milliû interuallis dispret?

Ac procul Vrbe Remi, fallacis ad ostia Nili,
 ali extra terminos sepositus, quid mirû inquam,
 Ouidio, Romæ per ea tēpora degenti, præsto esse
 potuit; nedû familiariter vti puero etiâ tum in-
 sti quadragenarius? At verò de Horatio, item
 Propertio, quibus per ætatē vti potuit, quorumq̃.
 cõ Musicis recitationibus Romæ aliquâdiu sese
 ud sanè indelectatû significat, diuersa prorsus ac
 spar ratio: è quibus alterius senectâ (Horatij pu-
) quinquagesimû septimûmne, an nonû annum
 pergressi (quandò alij Iulo Antonio & Fabio
 Africano Coss. alij autē C. Marcio Censorino, &
 Asinio C. F. Gallo denatû ipsum videri volunt)
 tricesimum vsque sextum, vel quartum saltem
 uidianę iuuentę Autumnû pertinuit. Enim Ho-
 ratiano Interpreti auscultes caue, vitâ Poëtæ eius
 ud paullò lōgius, imò supra annû etiâ quartum
 sexagesimû producēti. Quod an refutatu diffi-
 le sit, vel ipsum *Mecenatē atavis Regibus editum*
 terroga, condignû illû Horatiani Epicedij cõdi-
 rē: cuius adeò Fragmentû nos nuper in nostro ad-
 enusinû illû Cômētariolo ex Isidori Cētonibus
 oductû pristino nitore restituimus tandē. vnde
 rspicue, ac quasi de plano dilucet Flacco alumno
 & con-

& conuictori suo Cilnium Equitem superuixisse:
verumque ac fatale nimis euenisse vaticinium il-
lud, quo eundem patronum suum lamentantem
Vates iste biformis consolatus fuerat iam antea,
Oda xvi. libri septimi scribens scilicet:

Cur me querelis exanimas tuis?

Nec Diis amicum est, nec mihi, te prius

Obire. Macenas, mearum

Dulce decus columenq; rerum.

Superstes ergò, postumusq;

Tusculus Eques Calabro Poëta.

Neq. id tamen longum. quippe qui annis duobus
modopost C. Marij Censorini, ac C. Asinij Galli
emortualem Horatio Cōsulatum (qui annus con-
ditæ Urbis supra septingentesimū sextus ac qua-
dragesimus cluit) Ti Nerone Cn. Pisone Coss. in
Libitinæ censum relatus denique, si quid Cassianæ
fidei fidendum. De Propertiani verò obitus tem-
pore parùm liquidò nobis explorata veritas: nisi
quod credibiliter augurari possumus iuuenem ip-
sum posteaquàm Tibullo & Vergilio Poëtis pæ-
nè æqualibus, ac Cynthiae delitiis suis (quæ amāti-
ratio est maxima) aliquantisper modò Superstes
vixisset, Orciuo porro thesauro traditum, etiam
Horatij accommuni Macenatis mortem (quam-
uis haud paullò sanè minore natu, quàm illi) im-
miti atq. ante diem properato fuere anticipasse.

Indicio

licio fuerint totq. ac tanta Propertij ipsius testi-
monia, quibus vt viridissimo flore ephebus passim
velut in primis adhuc illis adolescētīq. fretis Eu-
rpi in morem æstuabundus scilicet ab semetipso
pingitur: nusquā non à iuuenilitatis gratia Ve-
ri suæ commendabilem facere studens ac sata-
tis sese. quam & Martialis insuper auctoritate
improbare facultas est nobis, ita lib. xiv. de hoc
testantis:

Cynthia, facundi carmen iuuenile Propertij,

Acceptit famam, nec minus ipsa dedit.

vt est, omnium, quos supra recēsuimus scilicet,
tauiani temporis Poëtarū funera Foroiulien-
sitis cædes anteuertit. quippe quam A. v. c.
cxxix. non autem (proinde vt Criticis pla-
cet) dccxxiv. euenisse, satis antea iam nobis ex
Flavianæ Historiæ fide declaratum. eius inquam
foiulien-
sis, cui successor in scribunda Elegia
romanus hic noster, paullò post Virgilij exces-
sus & ipse funeratus. Clarum id ex Epigramma-
tis quod Marso Domitio adscribitur:

Te quoque Virgilio comitem non aqua, Tibulle,

Mors iuuenem campos misit ad Elysios.

quod postremū de Tibulli ipsius sentētia adum-
bratum aptè in eiusdem funeris laudationem con-
uertit Epigrāmatarius iste quē dico, Martiali utiq.
non illaudatus. Sic enim Marso antea præiuerat

Poëta noster, quasi prædiuinans:

At me, quòd facilis tenero sum semper amori,

Ipsa Venus campos ducet ad Elysios.

Atqui Virgilium C. Senio Saturnino, Sp. Lucretio Cinna Coss. paulam vitæ fecisse cognitum nobis ex Chronicorum scriptoribus: anno Urbis nimirum DCCXXXV. intra quod spatiū, funestumque illum Hircij cum Pansa Cōsulatum quatuor modò & viginti annos intercessisse reperiemus. quibus Consulibus si in oras luminis editus primum Tibullus noster,

Non est, quod multa loquamur,

Nil intra est oleam, nil extrà est in nuce duri.

Quid enim aliud quæso relinquitur nobis, quàm ut ocellum illum Triumviratus Erotici ante annum ætatis suæ XXV. ad plures sese penetrasse fateamur? contra tot tantasque rationes positas à nobis supra, & (in quo arx huius causæ) locupletissimum illud Ouidij testimonium, quo Horatium, Propertiū, Virgilium ipsum, ac Tibullum denique, non quidem inter ἡλικιώτας vel συγχρότους, hoc est, coæuos sibi, verum hercule inter veteranos senioresque ac præteritæ quasi ætatis Poëtas recensitos videmus. Vnde & Virgilium de facie modò cognitum habuisse testatur; Tibullum verò Fatorum avaritiam inuidisse sibi, quò minus in familiaritatem eius, communia sacra colentis, insinuare

finuare potuerit in tempore. credo, quâdoquidem Ouidio herbescente primulûm, eodem quo Virgilius (vti dictum est) anno, aut certè non ni-
miò post

Intempestiva consumtus morte Tibullus,

Atque Equiti præreptus Eques collega Poëta.

Neque ita intempestuè tamen, vt non vel ad legi-
timam vsque mediæ ætatis plenitudinem eundem
processisse persuaferim mihi. & eò quidem fiden-
tius, quòd præter argumenta illa superiora, partim
ab Inscriptione Veteri, Fastisque Consularibus:
partim ab Horatio, & Ouidio nobis adeò vsque
Largiter, ac plena suppeditata manu; etiam hic
ipse Sulmonensis noster in Elegia illa verè Elegia-
ca, ne dicam, lachrymis Simonideis mœstiore, qua
Collegæ eidem suo tantum non lessum lamētan-
do facere visus, & quidem ex professo Albianæ vi-
tæ summam colligens, de hac tanta obitus ipsius
cruditate (illud, immaturitate, dicere volui) ne ver-
bum quidem. quam profectò tacitam vti haberet,
Deum (opinor) *haud meruisset diuitias sibi.* haud
magis utique, quàm præmaturam illam Catullia-
ni funeris præcocitatē, in eapse Elegia obiter qui-
dem, sed tamē significatissimè notatam his verbis:

*Obuius huic (scilicet Tibullo) venies hedera iuuenilia
cinctus*

Tempora, cum Caluo docte Catulle tuo.

Quibus subiicit deinceps è vestigio:

*Tu quoque, si falsum est temerati crimen amici,
Sanguinis atque anima prodige Galle tua:*

vbi Gallum falso Maieſtatis crimine à Valerio Largo (vt diximus) circumuentū Ouidiano quoq. patrociniſio deſenſitari videmus. Gallus proinde Tibulli ac Virgilij exſequias morte ſua ſeptennij vnus vertentis ſpacio anticipauit. quem quidem poſtremum (Maronem dico) haud dubiè quoque hoc loco nominaturus fuerat Naſo, tanquam Tibulliani fati præcurſorē, niſi is extra Eroticorum Poëtarum numerum (in quibus nomē ſuum Catullus, Caluus, Gallus, ac poſt hunc Tibullus noſter legitimè iam pridem profeſſi) experientiſſimo huic Amoris cōſulto habitus iudicatusque, ad Heroicos potius Epicōſque Poëtas ablegandus. Addatur hiſce omnibus vel mantiffæ loco inſuper, honeſtiſſimum illud ipſius Flacci de Tibullo Elogium, quo eum ipſe haud indignum habuit, quem *Candidum Sermonum ſuorum Iudicem* palàm ac publicitus deprædicaret. Quæ iudicij maturitas à Thalete illo Venuſino Poëtæ huic noſtro cautè ac circumſpectè tributa, an in rudem iſtam vicenarij adoleſcentis iuuenilitatem, vt is ad iudicium de tam elucubratis omniq. ex parte politis Poëtæ quadragenarij ſcriptis ſerio faciundum, ſententiamque liberè pronuntiandam, pro arbitro, vel

quasi

asi Censore adhibeatur scilicet, conuenire autem vllum habere possit, illi viderint porro, libus inter Tibulli atque Ouidij Natales nullum haecenus discrimen factum. A quo tempore que ad M. Lollij & Q. Lepidi Consulatū (quo et ipsa ad Tibullum scripta sub eiusdem Epistolum libri exodium disertè Flaccus ipse agnitus est postea) Fastorum enumerationem ritè inuenire qui volet, illum quidem (Horatium quoque)

Temporis id quater undenos impleffe Decembres,
 Tibullum verò vix maiorem duobus ac viginti annis fuisse planissimè est deprensurus. Huc bienium præterea si accedit, intra quod comitè quoque Antonianæ Libitinæ Tibullum additum componstrauimus prius, quid? an non idem ille, (vtrum est modò) ante quinti lustri vorforiam ad Campos suos illos Elysios sine viatico commigras-
 nuenietur,

Illuc, unde negant redire quenquam?

Quod si quis, non dico verum, at saltem verissimè esse, fidem vnquam fecerit nobis, eadem operâ pro meridie tenebras esse, ipsi credo Lynceo est persuasurus. Sed quid si ipsius Tibulli confessio-
 nem ad partes aduocemus insuper: ac ne ipsum eadem met æui sui granditatem (quam eidem assignauimus supra) clam aut dissimulanter habere

voluisse, distinctè ac dilucidè doceamus, nōne
caussa ista perorata? Panegyricum eius, si vacat vel
lubet, consule, quò loco haud fortunas suas acci-
sas modò; sed verò & iuuenilem quoq. illum ver-
næ ætatulæ florem penitus emarcuisse, seriò her-
cule ac dolenter apud patronum sūum conqueri-
tur his verbis: *Nam cura nouatur,*

Cūm memor accisos semper dolor admonet annos.
Sed adulterinus ille (vt diximus) atque à mala ma-
nu Tibullo assutus Pentameter omne istud turba-
mentorum Chaos peperit Scholiastis. Neque ve-
rò est, quòd Marlicum Epigramma nobis obieceret
quispiam, iuuenem Tibullum decessisse confir-
mans. haud magis vtique, quàm antiquum illud
ac Sallustio quoque frequentatum dicendi genus,
quo C. Cæsarem in animosa illa, ne ambitiosa di-
cam Pontificatus Maximi petitione Catulo com-
petitori suo haud obscure prælatum, *Adolescentu-
lum* vocat, qui sex ac triginta annorum Candida-
tus cluebat. neque id sine rivali tamen, scin' cuius-
modi? ipso inquam M. Tullio, qui Curionem, qui
Crassum, qui Ser. Sulpiciū denique, annū item
tricesimum, & quod excurrit, supergressos, nunc
Iuuenes, nunc *Adolescentes* appelliter. Comper-
tum enim habeo, quàm & Adolescentiæ & Iue-
nilitatis istius terminandæ liberi ne dicam exleges
fuerint Romani illi veteres, sollennē illam Serui-
tullia-

illiani, vt opinor, Lustrationem sequuti, qua
 o. x. cap. XXIIX. ex Tiberone docet Gellius,
 imitatus ab Rege illo institutum, vt *Iuniores* ad
 annum vsque XLVI. supraque eum annum *Senio-*
res appellarentur. Tibullus igitur, tametsi (vti ego
 dico) circiter quadragenarius vita defunctus,
 men ex Seruiani instituti ratione *Iuuenis* Marso
 rhiberi potuit: neque in eo Latinitatis leges mi-
 atæ. Quinimò vt ipsum quoq. Horatianis pro-
 modum Natalibus supparem faciamus, hoc est,
 nis quinis, priusquam moreretur, aut quaternis
 temetiam quadragenario maiorem, Romanus
 allimachus subigit nos: quẽ duobus minimum
 stris, vel certè sesquilustro iuniorem fuisse o-
 tuit; siquidem is Elegographo nostro Roma-
 seruata temporum serie successor. qui ordo ipsi,
 hoc sanè Poëmatis genere, & Ouidij hætenus,
 omnium sæculorũ suffragiis concessus. Ex qui-
 stum vniuersitum singulis illorum pariter er-
 em est denudare, qui Epistolam illam Horatia-
 m Albiano nomini inscriptam non ad hunc,
 i in manibus nobis est, verum potius ad nescio
 em auum eius pertinere somniant, cuius

Hic fuerit porro nomine req. Nepos.

que ego nunc me vna quoque ibidem traho,
 i in exempli illius Satyrici enarratione:

Nonne vides, Albi vt malè viuat filius?

Scholiaſtarum priorum ſententiis ſuffragatus nuper, cenſuerim id ipſum in Poëtam hunc noſtrum à Satyrographo illo malignè nimis ac criminoſe detortum, qua in re quàm nauci non fuerim, nūc ſentio denique, poſteaquam ad veri inueſtigati-
 • nem conuerſus ſerò quidem, ſed tamen ſeriò ani-
 mum aduortere inſtiti tandem, Horatium de ſeſe id temporis puero familiarem ſerere ſermonem: cui parens ſuus exemplum iſtud Albianum, quo filium alieno opprobramento maximè à luxuriæ ac prodigalitatis vitio deterreret, inante poſuerit ſcilicet. Qua quidem tempeſtate, tantum abeſt, vt paternis materniſq. bonis abligūritis ad inopiam iſtam reductus fuerit Tibullus noſter, vt ætatula ipſius id temporis non magis, quàm Horatiana huic vitio opportuna, aut vlli luxuriæ probro obnoxia per puerilitatis captum eſſe potuerit. niſi ſi tamen ea ratione prodigum fortaſſe dicamus,

*Qua talos Aulum correptum à patre, nuceſq.
 Ferre ſinulaxo, donare, & ludere, Vates
 Idem alibi in Satyra ridentis imagine narrat.*

Vt vt eſt, Ode certè illa libri Carminum prioris xxxiii. ſe non ad auum Tibulli, (quem quidem ego nullius ſanè coloris noui) verùm herculè ad ipſiſſimū Elegiographum hunc noſtrum peculiari-
 ter pertinere ipſamet clamat. quippe in qua
 Pho-

Pholoës etiam mentio occurrat tibi. eius inquam Pholoës, à qua Marathum delitias suas torqueri Elegia ix. libri i. idem gravissimè lamētatur quasi exoptulans, eandemque, ne puerū vsq. adeò formosulum ac delicatulū nimia asperioris repulsæ indignitate peruicaciaq. ac fastidiis suis perditum eat porrò, deprecatur sedulo. Non igitur Hirciani anni fœtus Albius noster, neque ea (vt cum Catullo dicam) genuum viriditate, quæ eidem illi à Crinito, Lilio, cæterisque Poëticarum ætatum Finitoribus assignata hæctenus. Quorum subidissimas frustrationes flagellare non est meum: Criniti præsertim, qui inter Poëtę nostri familiares, & quidem intimos, nominatim etiam Propertium inculcet nobis; quum neque hic Tibulli, neque ille item Propertij, in tanta tamque benigna mutui faciundi opportunitate, aliquam vel tralaticiam saltem in scriptis suis mentionem vsipiam fecisse inueniantur. æmulatione, opinor, studiij communis, vel nescio qua ingeniorum dissimilitudine potius; qua factū, vt alter alterū contemtum præ se fortasse minore, quàm decebat, in pretio atque honore habuerit scilicet. Scitum enim Martialis est illud:

Qui volet ingenio cedere, rarus erit.

Quam item Horatio caussam fuisse suspicor, cur Propertiani nominis memoriam inuidioso car-

minum suorum silentio, vel dissimulatione certè
præpostera suppresserit callidus. quem tamen
propter Augustam illam Principis sui, & (quæ ra-
tio maxima est) ipsius adeò Mæcenatis fauen-
tiam; frequentemque, imò domesticam cum
communi illo doctrinarum ac leporum omnium
patrono consuetudinem, inuisum sanè,
Ignotumue sibi non est habuisse putandus.

GERAR.

ERARTVS FAL-
KENBURGIVS NOVIO-
MAGVS IANO DOVSÆ
NORDOVICI

S. D.

Erius eruditissime Douſa, Nonni Dionyſiaca,
quæ tibi hinc diſcedenti promiſi, ad te mitto,
n quidem mea negligentia, aut obliuione tui;
quia nullos hîc intereâ tabellarios reperire
tui, qui iſtuc irêt. Quare, ſi quid de Geldrica ſi-
ſiniſtri fuiſti ſuſpicatus, id velim animo eiicias
meque in illorum adſcribas numerum, qui
omnia, quæ tractas, quæue cogitas feliciter
enire ex animo precantur. Feceris rem præſtan-
genio tuo dignam, ſi interdû locum aliquem
ridiorem, qui in Nonno valde multi ſunt, La-
is verſibus expreſſeris. ἀλλὰ τί σε σπένδοντα
αὐτὸν ὀτρύνω; Ex quo hinc diſceſſiſti, vix quic-
â accidit, vnde epiſtolæ argumentû naſci poſſit,
quòd ſatis ſeuera in omnia bibliopolia fuerit
tituta inquiſitio, & quòd quinq. ex tenuioribus
rariis in carcerem ſint coniecti. Quantum in-
telli-

telligo, statuetur quid crudelius, si qui sunt, in illos, qui libros vetitos tēpore tumultus distraxerūt. Allatus est & nuncius de morte Principis Condæi & Comitis Mongomberi. Dandelottum ferunt captum, & Amiralium accepto gravi vulnere nescio quò profugisse, toto exercitu ferè ad interuersionem cæso ac profligato. Giselinus noster nondum redierat, sed Pulmanno nunciari iussit propediem se adfuturum. Pulmannus remittit tibi Petronium cum fenore, quem quando Plantino visum erit recudere, fiet in eo honorifica tui mentio. interea de Carmine illi præfigendo cogitabis. Hadrianum Iunium summum virum à me salutare nō grauaberis. Misissem illi Nōni exemplar, nisi scirem illum habere. Siluius tua Poëmata nondum inchoauit. Vrgeto hominem per literas, nunquam alioqui editionem maturaturum. Meminite nobis, cum hic esses, ingeniosissimas quasdam in Tibullum & Propertium lectiones & explicationes, prælegere, quas vt omnes in vino scripsi, ita nunc eas, vel te potius ipsum requiro. nam constitui vtrumque diligenter peruolutare tuo motus exemplo. Vale mi Doussa, & Falkenburgium tuum, cui vltro nuper (quæ tua est humanitas) amicitiaæ tuæ fores aperuisti, amare perge. Becanus, Pulmannus, & Plantinus tibi salutem dicunt. Nescire te nolui *παραπομπὴς ἐκ τῆς*
ἰμην

ἰανερῆς Κατερχομευμαχίας habere rursū quod
agant, vel, si mauis, rodant. Iterū Vale. Raptim
Antverpiæ. 1v. Kal. April. cio. 15. lxiix.

IANI DOVSÆ AD GER.

FALKENBURGIVM SENARI

EX MERIS IAMBIS.

Horum proxima Epistola fit mentio.

ITA vsque donet esse sobrio mihi,
Bonumq; dictet ex mea lubidine
Apollo carmen: ut fuit volup' mihi
Tuarum, amice, literarum amabili
Fruilepore, pessimaq; crapula
Malum leuare: quam diebus his mihi
Tricongiana contulit benignitas.
Habere namque dum bene hospites volo
Meos. pedemq; ferre cum Pholis iuuat,
Mero impotente vicit obrutum citò
Frequens amystis. hîc statim omne Bacchico
Mihi vapore dissilire sinciput;
Ità ut cerebrum habere mî puerperi
Iouis viderer, vsque donec auribus
Tua intulore se meis tabellula,
Mibi lepore qua suo illicò grauem,

Quasi

*Quasi flabella dispulere crapulam.
 Refectus inde Falkenburge maximas
 Grauiſſimasq; gratias ago tibi.
 Neque hinc recuſo, ſi mactere denuò
 Fuit. lubido, quin identidem nouo
 Styli lepore crapulam leues meam.*

*At interim valete, abeſte vos procul,
 Et hinc abite maximam in malam crucem,
 Moleſta turba, quotquot eſtis ô Pholi.*

I A N I D O V S Æ A D
 S V P E R I O R E M F A L K E N -
 B U R G I I E P I S T O L A M R E S P O N -
 S I O , I N Q V A S V S P E C T A A L I -
quot Tibulli, plura Propertij loca partim
tentata; partim, quæ septuosiora videbā-
tur, aut illustrata aut explicita; nonnulla
etiā vitij manifesta in melius (uti spero)
nunc primum correctâ ac restituta.

NÆ tu homo es quantum viuit hominū im-
 petrabilissimus, cui satis nō est, quod pau-
 pertinam bibliothecæ nostræ supellectilem augu-
 stissimo Nonni volumine, nullo beneficio meo
 pronocatus auxisti; nisi etiam Geldricæ insuper
 fidei mentione per causam injecta tarditatis cul-
 pam depreceris, quā tibi non negligentia aliqua,
 ut scribis, aut obliuio mei, sed verò tabellariorum
 inopia obiecit. Atque, si vel leuissimam de te vn-
 quā sinistra nobis suspicandi occasionem præbuis-
 ses, tacerem. nunc autē cū nihil à te factum ha-
 beam, quamobrem non prolixè omnia de te pol-
 licear mihi, officium meum facere cogor, teq. pro
 nostrā familiaritate leniter & leuiter commonere,
 proletrario isto, imò verò Palatino satisfactionis
 genere

genere apud amicos, (hoc est, qui amici sunt, ita
 uti nomen possident) opus non esse. alioquin ego
 plus iustis de causis personam hinc tuam assumere pos-
 sim, meque expurgatum ire tibi, cui, quod tanto
 tempore promisi, reapse ut volui, atque uti debui,
 representare videor oblitus. de carmine tibi nun-
 cupando loquor. quod quidem, ædepol haud scio,
 an ope aliqua à Musis meis ignauissimis exculare
 vel extunderè potuissem, nisi uberrimum ipsis natum
 ex re argumentum, & quidem in tempore, literæ porro
 subiecissent tuæ. Audis desidia excusationem. sed
 quid prohibet & Syluium in partem communis culpæ
 aduocare, qui de nugarum nostrarum Editione, quam
 maturare dixerat, nihil quicquam ex quo à vobis
 discessi, sperare nos iussit: quam si saltim vel affectam
 quoquomodo dedisset, nos etiam diligentia sua ad
 fidem tibi persoluendam fecisset alacriores, ut qui
 metuissemus non modò te diutius creditorè ha-
 bere, sed verò & moram paratis prælorum operis ob-
 iectare, si Poëma Editioni appendendum, non tem-
 pori exhibuissemus. quod verum esse ut inducaris,
 mitto id ipsum tibi his Tabellis insitum insertumque.
 Tu quicquid id est in bonam partem acceptum aure
 non tetrica exigere properabis, & vel Epigram-
 matum meorum, si tanti res videbitur, vel Sylvarum
 libris adstrui curabis, ut tibi maxime concinnum
 erit. Argumentum, ut dixi, partim ex tabellarum
 tuarum,

tuarum, partim ex intemperantiæ meæ occasione
natū scito, quam mihi literæ istę tuę delenifica sua
allocutione tanquā flabello quodā cōmodè allatæ
discusserūt. discussit & Dionysiacon suorū lectione
Nōnus tuus; quo nomine gratias, in aliquo si pos-
sem, hoc est, hostimentū par pari, meritò utiq. ac
lubētissimè referre me cuperē tibi. Quod possum
tamē, gratias ago, & quidem ingentes: teq. oro ne
male habeat, quod meam tibi de locorū quorundā
magis in eo Poëta insigniū versione, operā quam
exigis, polliceri nequeo. libenter & hīc quoq. mo-
rē gesturus tibi; si ea in me ingenij, siue adeo Poë-
ticæ industrię vigeret indoles, quantam vel tu esse
falso profectò existimas, vel ipse mihi nequicquā
exopto. quanquā & meapte siglīna contentus, in
opus alienū ire nolo, potiusq. id omne doctis ex-
quendū relinquo, atq. inprimis tibi, qui interpres
es prorsus hanc ad rē vnicus, adeoq. ad Dionysia-
ista omnē iampridē aciem instructā habes. vt qui
Nonnū totum diligentissimè à te castigatum pri-
mitus doctissimis insuper Scholiis adpensis illu-
strasti. Quare aut ipse Poëtam illum interpretan-
dum suscipias, aut alterū huicce negotio idoneio-
rem præfulcias necesse erit. Nam de me, vt dixi,
temerè nihil hīc quicquā Falkenburgio meo præ-
stare ausim, me nor illius peruolgati: *Ne sutor ul-
tra crepidam*. Porro ad Petronium quod attinet,

gratulor nobis aliquod fuisse opellę illius pretium. ita eum pulchrę mihi & quidē cum scēnore remisit Pulmannus tuus, vt nihil iam vltrā ipsi ad summū felicitatis cumulum deesse existimem, præter typos Plantini nostri & Gallicanum Memmianę Bibliothecę exemplar, quod vtinam Pirhoęus nobis inuidere abstineat diutius. Interim de carmine illi, vt i postulas, præfigendo operā dabimus, ne editionē moretur. Hadrianum Iunium nostrum quis nam terrarū angulus habeat, ignoro. Eum, si quidem hīc apparuerit, & salute, & gratissimo nūcio tuo primus, vt i spero, impertiam. Quod verō sedulō me cohortaris, vt Silvium per scriptas literas vrgeam, ne longius nugarum nostrarū editionem protollat, sed eam quantum potest maturet, currentē (vt aiunt) incitas. & certē cum eo homine iam dudum pluribus verbis malis per literas interpretes expostulassem, si modō tabelliones ad manum fuissent. Quod vt tibi etiam verisimile fiat, mitto vna opę tabellas ad eundē meas in huncce fasciculum coniectas, quibus ipsum officij sui, quod quidē prorsus oblitus videtur, obiter commonefacio. Scripsi eadem de re non ita pridem fuisse & copiosē ad Giselinum nostrum, quem huic provincię tanquam Herculem quendā præfeceram. verū is nihil etiam dum, quod sciam, respondit; nisi si tabellę fortē in itinere perierint. quod

Calli-

Callipedum istorum incuria sæpius mehercule
quàm vellem nobis Epistolarum scriptoribus cō-
tingit. Eū itaque, si istic fuerit, meis verbis com-
pellare atq. identidē porrò reflagitare poteris, vt
quod eius fidei & fiduciæ potissimū mandatum
atq. concreditum est, in eo exequendo morā nul-
lam interponat, si modò is fidem de editione præ-
stitam liberare postulet sese. Habes quæ tibi re-
scribenda duxi. Reliquum est, vt ad meas in Ti-
bullum & Propertiū obseruationes me cōferam,
quæ tamen si nauci non sunt, &, vt paucis dicam,
vino tantum inscribi dignæ, tamen quū tibi mo-
rem nō gerere maxīma sanè religio sit mihi, com-
mittere nolui, vt coniecturas meas potius, quàm
coniectore ipsum desiderares. Vtergo Tibullum
primo si quāsi saltuatim expediamus, scias velim
in Poëta eo pauca admodū eaque non nimium la-
boriosè à nobis animaduersa esse. in quibus illud
in primis se offert libro 1. Eleg. 1.

*Nam veneror, seu stipes habet desertus in agris,
Seu vetus in triuio florida ferta lapis.*

Cuius ritus planissima enarratio ab Halicarnas-
sæo petenda, ita lib. 12. scriptitante: Θύσσι γὰρ
ἡγῶνται τὲς τέρμενας, καὶ θύσσι αὐτοῖς ἔτι τῶν μὲν
ἱμψύχων οὐδέν. οὐ γὰρ ὅστιον αἰμάττει τὲς λίθους. πι-
λάους δὲ δήμετος (.i. liba Cerealia) καὶ ἄλλας τινὰς
καρπῶν ἀπαρχάς. Victimarum proinde & sangu-

nis expers Terminus. quæ sententia etiam Plutarchum auctorem habet, adductis insuper rationibus, cur huic Deo Sacra incruenta potissimum atque ab omni cæde libera rite quotannis peragi præceperit Numa. At si quis etiam animato rem diuinam Termino fieri posse pertenderit, næ ego cū illo pignus haud ausim dare. quippe qui & Horatianam & Ouidianā auctoritatē non minoris, quàm Plutarchi, aut etiā Dionysij ipsiushac quidē in re faciundam putē. è quibus alter ille ita nobis præit libro 11. Fastor. quo loco ex professo hoc Terminalis sacrificij genus exsequitur his verbis:

*Spargitur & caso communis Terminus agno;
Nec queritur, lactens cū sibi porca datur.*

Et mox:

*Illic lanigeri pecoris tibi Termine fibris
Sacra videt fieri sextus ab urbe lapis.*

Horatius autem:

*Vel agna festis casa Terminalibus:
Vel hadus ereptus lupo.*

Addatur his insuper omnibus à Prudentio haud subleste fidei testimonium: *Et lapis illic*

*Si stetit antiquus, quem cingere suenerat error
Fasciolis aut gallina pulmone rigare:*

Item ab eodem alterum quoque:

Verris cruore scripta saxa spargere.

Eleg. 11. *Ille docet furtim molli decedere lecto.*

Ego

Ego Statiani codicis fide inductus, in quo disertim legitur, *Discedere*, reponendum hariolor *Descendere*. *Furtim* itaque *descendere*, nihil aliud fuerit hoc loco, quàm ἡγεμὰ καὶ κτήπερ χαλκῆς pedes de lecto deducere, *insonumq;* (vt cum Apuleio hoc dicam) vestigium ponere, ne videlicet maritus tremuli lecti argutatione somno excitus, quid rei vxor cum potiore adulterio agat, fieri percipiat tandem.

Sequitur paulò post:

*Nec finit, occurrat quisquam qui corpora ferro
Vulneret, aut raptà pramia veste petat.*

Quo loco à me aliquàdo ex Nonio obseruatum commemini, *Pradones nocturnos, Premiatores* vocitatos antiquitus. neq. aliò Poëtam procul dubio respexisse, quàm *Premium* petere dixit.

Adpingam & tertium ex Elegia eadem:

Et mea nunc pœnas impia lingua luit?

Ego semper vsq. adhuc legendū putaui, & nunc etiam puto, *Luat*: idq. sine interrogatione. quam coniecturā meam confirmat & Statius: nullo tamen sensu. Nam & interrogationis notam retinuit, & cōfirmatiuæ particulæ, *Et*, loco, perperam substituit *Vt*: quod quale sit, necdum in mentem venire potuit mihi: qui omnē loci huiusce cōstructionem ex iis, quæ statim porrò insequuntur, petendam autumo. vt significet Poëta: Si vnquā Veneris numen per iracundiam fortè, (quæ amanti-

bus utiq. familiaris vel dicto modo, hoc est, leuio-
re aliquo conuicio læsisse temere argui possit, se
causam haud dicere, quin illicò illi meritas impie-
tatis pœnas lingua sua ob maledictum persoluat.
innuēs, nihil se tale ne iustissima quidem ob Ero-
ticas iniurias indignatione prouocatū, ingratis-
misq. contumeliis laceffitum per ætatis impoten-
tiam vel tralaticie saltem, vllò vnquam tempore
admisisse. In tercia Elegia est:

*Cuncta dabāt redditū, tamen est deterrita nunquā
Quin fleret, nostras respiceretq. vias.*

Sed quid sibi vult obsecro, *Deterrita*? Egonil a-
liud hoc loco significari existimo, quàm, *Terrore
leuata*. neq. enim video quid obftet, quò minus
eandem in huius singularis verbi cōpositione vim
præpositio, *De*, habeat, quam in aliis, item in vo-
cibus, *Deinquare* ac *Degelare*, etiam nū obtinet. Di-
cit ergo Tibullus: Et si Deorum oracula per sortes
data Delia optata omnia de redditu suo promitte-
rent (hoc enim, *Dabant*, est) illam tamē ominibus
nullis, quamuis certissimis deterreri vnquam po-
tuisse, hoc est, terrore & metu, quo de Poëta ama-
toris sui redditu anxie nimis sollicita erat, exsolui
porrò, adeoq. animi securam reddi, quin ab eūtem
identidē verissimis lacrymis prosecuta respectaret.

O res solliciti plena timoris amor.

Eleg. v. 1. *Iā mihi tendūtur casses, iam Delia furtim*
Ne-

Nescio quem tacita callida nocte fauet.

Argutè. Etenim ad commune illud amoribus Tibullianiscum Delia .i. Diana cognomentum allusum: quæ Dea venandi studio præesse, credita antiquitus: ad quam rem plagis cassibusque cumprimis opus,

*Ad colles saltusq; indagine reticulata
Cingendos, canibusq; in retia compellendas
Et clamore feras.*

Quæ de re consulenda Elegia libri xv. ex Sulpitiæ persona ad Cherinthum amatorem suum directæ. cui initium est:

*Parce meo iuueni, &c. Habes mox ibidem:
Nèue cubet laxo pectus aperta sinu.*

Ne fiat illud scilicet, quod apud Ovidium quondam euenisse sibi Helenæ commemorat Paris:

*Prodita sunt (memini) tunica tua pectora laxa,
Atque oculis aditum nuda dedere meis:
Pectora vel puris niuibus, vel lacte, tuosq;
Complexo matrem candidiora Ioue.
Dum stupeo visis (nam pocula forte tenebam)
Tortilis à digitis excidit ansa meis.*

In eadem Elegia raræ cuiusdam elegantie versus est vocabulo *Adducit*, de matre Iena loquens:

Hæc mihi te adducit tenebris, &c.

Quam lectionem cur Statius mutarit, non vi-

deo. quàm *Adducere* propriè sit, puellam alicui conciliare, vt quidem loquitur Petronius noster. vnde etiam *Adductrices*, pro stupri sequestris, siue adeò conciliatricibus verustatem posuisse crepiderim.

Elegia v i i.

Et capite & collo mollia fersa gerat.

Ex more & disciplina tam Latinis, quàm Græcis antiquitus vsurpara. Lucretius lib. i v.

*Tum caput atq. humeros plexis redimire corollis,
Floribus & foliis lasciuiâ lata inuebat.*

Item i i i.

Hoc etiam faciunt, vbi discubuerè, tenent q̃;

Pocula saepe homines & inumbrant ora coronis.

Adde ab Horatio Sat. i i i. lib. i i. de Polemone mutato:

Potus vt ille

Dicitur ex collo furtim carpsisse coronas,

Postquam est impransè correptus voce magistri.

Item ab Quidio ex i i. Fastor.

Ecce nurrum Regis, fufis per colla coronis,

Inueniunt posito peruigilare mero.

In x. & vltima huiusce libri Elegia ita porro scribens:

At nobis arata Larcs depellite tela.

dubium mihi non est, quin *Hostilios Larcs* speciatim designet, quibus immolabant Romani, quòd ab iis hostes arceri putabant. Auctor Festus.

ad

ad quos etiam Propertius visus respexisse, quàm scribit :

Hannibalemq; Lares Romana cade fuganteis.

Atqui hoc ipsum non *Laribus* hisce *Hostilibus*, sed verò *Herculi Tutano* attribuit Varro bellissimis Senariolis illis:

*Noctu Hannibâlus quàm (lego, quòd) fugavi
exercitum,*

Tutanus hoc, Tutanus Roma nuncupor.

Hac propter omnes, qui laborant, inuocant.

in quo postremo etiam versu pronomen desiderari suspicor: idque post priorem dictionem illam ponendum hoc quidem modo & ordine:

Hac propter me omnes, qui laborant, inuocant.

Quòd fugavi. i. quia, siue quoniam fugavi: *Tutanus hoc*, .i. eò vel ideò Tutani cognomentum iudicatum à Romanis est mihi.

Ibid. Sit lacrymas mouisse satis. quater ille beatus,

Quo tenera irato flere puella potest.

Hoc enim amoris (veri, haud simulati dico) certissimum atque euidentissimū argumentum. Nam nisi perditè efflictimque flagraret misera, animi ægra, amore saucia, sus deque ferret furiosas amatoris sui æmulationes impotentiamque ac iracundiam: & quasi oculis pumiceis (quo ægrè etiā illi faciat magis præsertim irato) sicco cula esse porrò ac videri pertenderet: neque sicuti est apud

Plautum) lacrymam exorare posset, vnam modò
vti exspuerent scilicet.

In Elegia 1. libri 11. Ambaruale sacrificium
descripturus ante omnia sibi & sociis incolumita-
tem, bonamque adeò valetudinem comprecatur,
his verbis: *Quisquis adest, valeat, &c.* hoc
est, benè ac bellè habeat sese, sospesque ac validus
vitam procudat porrò: vt quidem ego interpre-
tor; si scorsum tamen à Becano, summo viro, per
te sentire liceat mihi, qui, *Faneat*, mauult. Et ta-
men à me quoque Ouidius facit, libro Fastorum
xv. ita Tibullo nostro succentans scilicet:

Pelle procul morbos, valeant hominesq; gregesq;

Et valeant vigiles prouida turba, canes.

Ibid. *Soluite vincla iugis: nunc ad praesepia debent*

Plena coronato stare boues capite.

Interpretandum ex Dionysio Halicarnassæo ita
porrò nobis repræsentante hunc morem:

Α'πὲδ' ἔξεν δὲ καὶ Ποσειδῶνι τέμενος ἰωπῖοι, καὶ
τῶ ἐορτῶ ἰωποκερῶτεα μὲν παρ' Ἀρχαίων,
Κωνσάλια δ' ὑπὸ Ρωμαίων λεγόμενα κατισή-
σαντο, ἐν ἧ παρὰ Ρωμαίοις ἐξ ἔθους ἐλινύουσιν ἔργων
ἰωποὶ καὶ ὀρεῖς, καὶ σίφονται τὰς κεφαλὰς ἀνδρῶσι.

Quod porrò legitur Elegia capse media:

Et satur arenti primum est modulatus auena,

Carmen ut ornatos diceret ante Deos.

Refe.

Referendum ad Plautinum illud:

Larem corona nostrum decorari volo.

Ornatos enim nihil aliud, quàm coronatos ac mollibus floreisque sertis redimittos, ex ritu superstitionis antiquæ.

Elegia porro eiusdem libri III. quòd scribit Tibullus, nihil intonas comas Apollini profuisse, quò minus tauros Admeti formosus pasceret, mirum alicui haud iniuria videri possit, nisi idem sciat, probeque antea compertum ac prouisum habeat sibi, bubulcos atque vpiliones eius sæculi tonsos scilicet incomtoq. ac inornato capillitio fuisse, utpote genus hominum agreste deforme, rurique inter armenta eductum perpetim. id quod ex Martiali nostro perspicuè planum, ita lib. X. scribente:

Præsta de grege sordidaq. villa

Tonsos, horridulos, rudes, pusillos

Hircosi mihi filios subulci.

Constat enim veteres tam Romanos, quàm Græcos (vrbanos, haud agrestes dico) maximè semper *περὶ καλὴν* (ut Aristæneti more loquar) *ἀχολείῳ τὴν κόμην* solitos. neque id adeò mirandum, quum *summum*, teste omnium elegantiarum Arbitro, *forma decus capilli.*

Elegia deinceps v. præfagia prodigiaq. belli civilis prænuncia continet, de quibus singulatim

Auctor

Auctor de Prodigiiis consulendus. Cæterum quòd inter alia hoc quoque commemorat Tibullus nobis:

Fataq; vocales pramonuisse boues.

eò pertinet, quod Eulebius refert; Bonem sub C. Cæsaris mortem in suburbano loquutum, frustra se vrgeri, quippe non frumenta, sed verò homines, hoc est, estores breui oppidò defuturos. tantas cadauerum struices, tamq. immanes fore acervos scilicet. Ne longum faciam, vnum etiam Tibulli locum adscribam, qui est in carmine ad Messalam. is ad hunc modum in libris formulariis hodie publicatus exstat:

*Nam mihi cùm magnis opibus domus alta niteret
Cui fuerant flauiditantes ordine sulci,
Horrea facundis indeficientia mensis, &c.*

Ego secundo versu non, *Ditantes*, quod nihili verbum est, hoc quidem loco, sed *Distantes*, reponendum præstare auisim. quod quale sit explicat nobis vnicus ille *Romana fidicen lyra*, quum scribit:

*Est, ut viro vir latius ordinet
Arbusta sulcis, &c.*

Et tamen Lucretius lib. 11. *Largifica stipe ditantes.* consimiliter eloquutus videri potest. Nisi si quis fortè: *Ditantes horrea sulci*: rescribere se malit. cui lectioni adstipulabitur iterationis eius venustas,

stas, quæ in repetitione verbi *Horrea* initio porro
versus insequentis compareret. *Niteret* verò hoc lo-
co haud tralatitiè accipiendum, sed easse meta-
phora illa, qua in Plauto scriptum videmus:

Pro renitorem, & gloriam pro copia, &c.

Item Horatio:

Res ubi magna nitet domino sene.

Vnam etiam sententiam apponam insuper,
cuius acumen huic ipsi quoque, Horatio inquam,
haud indignum visum, quo *Saiyram* ornaret
suam. Sic enim ille:

*Exilis domus est, cui non & multa supersunt,
Et dominum fallunt, & prosunt furibus.*

At Tibullus noster de semetipso quàm consi-
militer!

Et domino satis, & nimium furiq; lupoq;.

Et hæc in Tibullum pro tempore inquisisse suffi-
ciat nobis, quorum nonnulla etiam Victori no-
stro, quum hic apud nos esset, prælegisse comme-
mini. Nunc reliquum quod restat, volo persolve-
re, de Propertio loquor, in quo gaudeo mihi à
Gul. Cantero relictum esse, quod eius quondam
Poëtæ studiosis atque in primis tibi, qui id ipsum
sedulò à me iure prius tuo exigere visus, luben-
ter hercule ac meritò imputare gratificarique pos-
sim. Nam omnibus amicis (ut ille ait) quod
mibi

mihi est, cupio esse idem. Proinde in rem presentem aliquando ut veniamus, sciendum est, in eo Poëta plerumque fere eiusmodi esse, ut aliud in recessu habeant, aliud verò primòre fronte ostendant. quale est illud Elegiæ I.

Et labor in magicis sacra piare focis.

Etenim tò *Sacra*, umbras & Manes defunctorum interpretor, quos, ut religiosè Flaccus prædicat, *Libitina sacrauit*. pro quo tamen meum non esset, ut temere sponderem, nisi Propertius in principio libri III. Genium Philetæ inuocans sibi, huius verbi sui sensum ipse nobis aperuisset his verbis:

Callimachi Manes, & Coi sacra Philetæ.

Quis enim non videt, tò *Sacra*, hoc loco pro Manibus & umbra Philetæ accipiendum esse? quam sibi exoptat non difficilem euenire Poëta. neque aliò profectò vetus ac Romana illa monumentorum inscriptio trahenda,

DIVIS MANIBVS SACRVM.

In versu Elegiæ III. quum scribit:

Osculaq; admotâ sumere & arma manu,

Inguinis haud dubiè (ut Martialis mei phrasi utar)

Arma intelligit. Sic & ipse Propertius infra:

Dulcia quam nobis concitet arma Venus.

ad quæ etiam *Admotâ manum* pertinere autem
mo;

mo, non ad Oscula. idque ex Ouidianæ auctoritatis disciplina maximè. verbi gratia:

Hanc etiam non est mea dedignata puella

Molliter admota sollicitare manu.

Hoc propterea appono, quod sensum eius videam temere nuper à viro doctissimo sollicitatum.

In eadem Elegia versum illum:

Omniaq; ingrato largibar munera somno, &c.

ex Catullo emendandum censeo, hoc modo:

Omnia quæ ingrato, &c.

qui eodem

Hemistichio in Epigrammatibus vsus exempli causa:

Omnia quæ ingrata perierunt credita menti.

In Elegia porrò quinta:

At tibi curarum millia quanta dabit?

eodem modo dictum videtur, quo illud:

Sexcenta tanta reddam. si viuo, tibi.

& sexcenta huic parissima in Plauto.

Verlus Elegiæ septimæ est:

Quod nolim nostros cuiolasse Deos.

Quo loco Nostros Deos, Amores nostros interpretor, hoc est, amicam meā. Neq. enim Propertius, qui furiosæ æmulationis, .i. zelotypiæ plenus erat, ita vt vel Iouem ipsum riualem ferre grauaretur, (quod & ipsemet alibi de se fatetur)

Cynthiam credo suam à Pontico amari aut exacer-

ceri volebat. Eodem locutionis genere vsus & Ouidius, vbi scribit:

Et dicam: Nostros aduehit illa Deos.

Nam & ibi de sola Corinna sua equo ligneo per vias cæruleas desubito sibi aduecta commentatur secum.

In Elegiæ 11 x. versu:

Et sine me dulcia regna negat.

Canterus *Ditia* mauult, & , rō *Negat*, interpretatur *Recusat*. Promptè quidem ille: cæterum mihi plus satisfacit, *Dulcia*; vt sit sensus: *Cynthia sine me negat dulcia regna*, s. esse dulcia, aut placere sibi: quomodò & Tibull. lib. 111.

Nec me regna iuuent, &c.

in Elegia x. *Effecto bono* legitur. in quo enucleando an interpretum quispiam boni effectus composituaserit, nescio, hætenus quidem. Ego certè postremam literam in voce *Effecto* inducendā opinor, versumque hoc modo rescribendum:

Hoc magis effectū sape fruarē bono.

Nam & infra libro quoque 111. eandem vsurpat phrasin, secum & cum animo suo de Tabulis amissis insolabiliter conquerens:

Semper & effectus promeruere bonos.

Elegia xvi. hunc versum habet:

Semper & exclusis signa iacere faces.

Mihi verò impensius placet: *Exclusi*. s. amatoris.

In

In Elegia xvii.

Si quando vestras labens Amor attigit undas.

Labens pro nauigans positum videtur, ratione Poëtis non inusitata: quando & ipse alibi hic noster quoque:

Atque tua labens nauita fleret aqua.

In Elegia xx.

Cuius ut accensa Dryades candore puella.

Ad Cuius, alij ad Hylam, ego ad Hylæ humerum, cuius mentio antecesserat, referendum opinor. Tuius sit arbitratus, Falkēburgi doctissime, vtrum porro malis deligendi.

In ea quæ proximè hanc sequitur Elegia Galli in montibus Etruscis cæsi est *πρωτονοστα*, ab aliquo commilitonum tantæ cladi superstitæ serio petentis, ut sorori de sua morte nuncium perferat, quo illa accepto ossa mox lecta in Vibem referre, cineresque fictili urna conditos terræ porro mandare possit, ex veterum consuetudine. cuius hercule ego fiducia fretus in ultimo versu lectitandum pronuncio:

Et quacunque super dispersa inuenerit ossa

Montibus Hetruscis, hæc sciat esse mea.

non *Quicumque*, vii perperam in nostris exemplaribus legitur, præsertim cum omne hoc negotium ad vnam modo Galli sororem, non etiam

ad ignotos attineat. Quis enim operâ quæso alienis ossibus legendis gratuito insumere se postulet?

Libri. i. Eleg. iv.

Ambulat, & subito mirantur funus amici.

.i. sicuti ego expono, cum funus esse, hoc est, funeri acerbo traditum, redactumque quasi in fauillas & cinerem. Quæ phrasis à Propertio aliena sanè haud fuerit, tametsi in diuersa sententia Catherum nostrum deditum animaduerto.

In v. i. i. Elegia ita porro ad Cynthia sermone conuertit suum:

Ah, mea, tum quales caneret tibi Cynthia cantus.

Tibia, funesta tristior illa tuba!

Ad quem morem respexit etiam Horatius, vnicus pol huiusdem loci interpret: vbi Asterion officij sui admonet his verbis:

Prima nocte domum claude, nec in vias

Sub cantu querula despicere tibia.

Galli, vngaubade, vocant.

In Eleg. xxv. Quid, lego, non vt in libris formulariis est Qui, hoc modo:

Tu quoque quid pleno fastus assumis amore

Credule? &c.

In xxix. illud visum est obseruare:

Votiuas noctes & mihi solue decem:

Tot enim noctes ex voto, quod Iliidi fecerat,
seinn-

seiuuētā, vī Poētæ ipsius verbis vtar, *cubuerat* Cynthia. Idem officij quoque à Philenio sibi euenire stipulatur, exigitque porro Diabolus Plautinus. Sic enim est in *Alinar*.

Si fortè purè velle habere dixerit,

Tot reddat sp̄arcas, quot puras habuuerit?

In Elegiā vltimā eiusdem libri, cum Lynceo Cynthia suā tentare auso hunc ad modum expostulat:

Lyncen, tñne meam potuisti tangere curam?

Perfidè, nōne iuxta tunc cecidere manus?

Quem locum Ouidius quoque in *Amoribus* imitatus videtur, vbi ait:

Ipsè meos humeris velle cecidisse lacertos.

Vtilius potui parte carere mei.

In eadem Propertiana legitur:

Missus & impressis hādus ab uberibus

Ad quod exemplum etiam est illud:

Osculaq; impressis nixa dedi gradibus

.i. pedum signis, quæ à dominæ vestigio reliqua terræ impressa impactaque resederant.

Ex libri III. Elegia secunda, illud à me aliàs consideratum memini, Poëtis *ἰγωνίσις* olores quondam attributos fuisse. Sic enim Calliopen sibi loquentem facit hic noster:

Contentus niueis semper vectabere cynis

Sed & Ouidius libro *Amor.* III.

*Cycnis discedere tempus,
Duxerunt collo qui iuga nostra suo.*

In Eleg. v.

*Et quoties Pati transibit nauta sepulcrum, &c.
concinnius omnino meo iudicio futurum, si re-
scribatur: Vt quoties Pati, &c.*

In x i. Pana introducit operam suam polli-
centem, *Sine petas calamo premia, siue cane.*
ex quo loco aliquis ignarus fuci, rei etiam pesca-
toriae præesse Faunum meritò suspicari possit, ni-
si Propertius noster lib. ii. Eleg. xix. suo iudicio
seipsum quasi forex prodidisset, cum scribit:

Et stricto figere auem calamo.

Stricto. i. districto, seu emisso: quomodo & *Strin-
gere gladium*, pro *Distringere*, dictitamus, hoc est,
vadina educere. Vt ut est, *Calamum* à Poëtis pro
sagitta interdum sumi, nemini dubium esse de-
puto. & exempla in promptu. Nobis vnum è mul-
tis in medium adferre sufficiet, idque ab Horatio,
ubi scribit:

Et calami spicula -Gnosij.

Possent tamen & pro virga aucupis visco illini so-
lita in priore Propertij exemplo positum aliquis
interpretari; suffragante eidem Martiali meo.
Cui consonum quoque vetus ac Plautium Pro-
uerbium illud: *Arundo alas verberat.*

Sed

Sed & Propertius libri IV. Eleg. II. de Fauno loquens, casses illi & arundinem .i. calamum, seu iaculum tribuit. Vnde perspicuè palam fit nobis, hunc locum de aucupio, non vero de piscatus genere hamatili intelligendum. Præmia quoque pro præda posita, quomodo & *Premiatores* pro *Prædatoribus* notauius suprà in versu illo Tibulli:

Aut rapta premia veste petat.

cui Propertianam etià auctoritatem addas licebit:

Nam cui non ego sum fallaci premia vatis

Elegiæ XIX. versus:

Seu venit, extremo dormit amica toro.

Spectat ad id quod scribit in Epodis Horatius:

Extrema & in sponda cubet.

Superest quartus & vltimus liber. Eum nos à IT. Elegia auspiciabimur, è qua animaduersione dignum illud occurrit in primis:

Indue me Cois, siam non dura puella.

Quod vt de incessu dictum putem, Ouidiana auctoritas facit. Ità enim ille, interpretis prorsus ad hanc rem vnicus:

Molliter incedit, motu capit: altera dura est,

At poterit tacto mollior esse viro.

Dura est .i. durè, myrmicè, & molestè incédens, vel potius

Haud fecit, ac coniunx Umbri rubicundæ mariti,

valgis nimium, aut diuaticatis cruribus grillatorium in morem badissans; vti ego interpretor. Quid? quod huic argumēto meo fidem indubiam facit Coārum mentio, quæ, quod tenuissimi ac pellucidi essent filii, muliebrem incessum maximè arguebant. Vnde non nisi ab iis, quæ incessu erant molli, ne exossi dicam, vel cinædico potius, gestari solitis, à verò haud alienum videtur. Et hoc est, quod suprà voluerat Propertius:

Et tennes Coā veste mouere sinus.

Sequitur porrò haud longulè:

*Da falcem, & torto frontē mihi comprime fæno,
Iurabis nostra gramina secta manu.*

More enim fiebat, vt inter operam messoriam, ad æstus solis defendendos maximè caput feno, & quidem recenti, obnuptum obuinctumq. haberent mессores. id quod hodie nostris etiamnum rusticis in vſu esse videmus. Sed & Ouidius id ipsum libro x i v. Metamorph. de copſe Vertumno verba faciens apertè indicat:

*Tempora sape gerens fæno religata recenti
Defectum poterat gramen versare videri.
O quoties habitu duri messoris aristas
Corbe tulit, veriç, fuit messoris imago?*

Qui duo postremi versus eò spectant, quod statim porrò subiuncturus Propert.

Corbis & imposito pondere messor eram.

Corbis

Corbis messoria alibi meminit & Cicero.

In eadem Eleg. est illud: *Et ibo*

Mundus demissis institor in tunicis.

Quo loco *Institorem discinctum* intelligo ex Ouidio ita nobis disertim præcunte:

Institor ad dominam veniet discinctus emacem.

Et certè quum recogito, necesse erat, ut qui discincti, hoc est, Zonis solutis ambulabant, tunicas ad talos vsque demissas, *sinusq;* (ut ait Pedito) *ventrosos* oppido, ne dicam pænè *undantes* haberent. Cuius rei molliorem ac laxitatem in suo etiam Mæcenate, si modo is Malchinus est, Satyricè sigillat Horatius.

In Elegia III. quum scribit:

Pictòque Britannia curru.

respexisse videtur ad id quod dixerat supra:

Esseda calatis siste Britanna iugis.

Vnde manifestò constat *Essedum* Britannici non minus, quàm Gallici vehiculi genus elnisse, cōtra quàm in Nomēclatore suo existimat Iunius.

In Eleg. IV.

Ille equus, ille meos in castra reponet amores.

Reportet, maue lim potius. ut per amores suos haud aliud, quàm semetipsam Regio amore sauciam designet.

Quidnam est, quod Elegia V. scribitur?

Et simulare virum, pretium facit, &c.

Idem nempe ac si diceret; assimulare, quasi maritus suus superuenturus sit operi; ac verbis uti, quæ cupido ac turgenti nimium adultero veros metus ac præsentem terrorem incutiant, qualia sunt illa libri 11. Eleg. XXI 11.

Tímco: propera iam surgere quaeso

Infelix: hodie vir mihi rure venit.

quò maiori videlicet pretio inducat amatorem. hoc est, quod pretium facit .i. lucrum atque emolumentum parit denique. Malè proinde Canterus noster, qui *Amicum* subaudiendum censet.

In 411. Si piguit portas ultra procedere; at illud

Iussisses, lectum lentius ire meum.

Legendum credo; *Illuc*: nempe ad portas usque.

Vnum adhuc locum, *ne me Crispini scrinia lippè Compilasse putes*; appingam modò. Is est Elegia XI. ubi Propertio inter alias leges quas teneat, etiam haec dicit Cynthia:

Colla caue inflectas ad summum obliqua theatrum

Vnde paret; Romanas olim mulieres è lumbis caue ludos spectare solitas. ad quas si quis virilis notæ in inferiore Theatri parte, atque interior collocatus oculos adiecitaret; necessario illi caput obliquandum ac cervice retroflexa respectandum erat. Hoc ergo est, quod Cynthia Propertium facere verat, ob zelotypiam, qua illa laborabat, vel etiam laborare, perbellè, nimiam apud credulas

aures assimulabat sese. quò magis etiam amato-
rem delinitum in casses porrò pertraheret suos.
quod vitium in Corinna item sua ab Ouidio cu-
rìose notatum, vbi ait:

Sine ego marmorei respexi summa Theatri,

Elegis è multis, unde dolere velis.

vnam nempe è multis aliquam, quæ in summa ca-
uea (vt dixi) spectabant, quum ipse interior, vt po-
te eques, pro dignitate in quatuordecim, hoc est,
non nisi in Equestribus sederet. qui locus miri-
ficè cum hocce Propertiano conspirat, adeoque
vniter consentit.

Habes tumultuariæ opellæ symbolam, Fal-
kenburgi doctissime, eorum quæ de Tibullo
& Propertio mihi hoc tempore in mentem ve-
nire potuerunt: cuius te lubenter hercule, ac-
meritò participem esse volui. quam si tu gratam
habueris tibi; accendes, quare magis in posterum
plura eiusdem generis tecum liberaliter capiar
communicare. sin autem; nihilo minus ego hoc
faciam tamen; vt sit, quod, vbi vsus venerit, ite-
rum vino possis inscribere. Vale, & ride si sapis,
nosq. fidenter in eorum numerum adscribe; quo-
rum opera in orio, in negotio, omni tempore vt
possis, tuo ipsius potius; quàm nouorum Ædi-
lium arbitrato. Io. Goropio Becano, summo viro,
me commendare non grauaberis, & quidem de

74 I A N I D O V S A E S C H E D. I S T C C I D.
interiore nota. cui dices, Poëmatium, quod eidem
nuper istinc discedens promiseram, probè vltque
adhuc in latebris situm ad ipsum euestigiò profe-
cturum, simulatque primùm lucē ferre poruerit.
Plantino, Pulmanno, Barlaeo, amicis communi-
bus, & si quem alium istic beneuolentem noueris,
salutem. Iterum vale. Nordouico .i. ipsis Idib.
April. CIO. IO. L X I X.

GERAR-

GERARTVS FAL-
KENBURGIVS NOVI-
MAGVS IANO DOVSÆ
NORDOVICI
S. D.

Nisi superioribus diebus vidissem elegantis-
sima tua Poëmata recens Lugduni vestræ
publicata, ne nunc quidem possem adduci, vt cre-
derem te viuere, nobilissime & doctissime Doûsa.
Multi enim in hac vrbe de te disseminati sermo-
nes, quos fuisse vanissimos incredibiliter gaudeo,
mihiq̃ue gratulor de te mihi amicissimo in tam
periculosa obsidione seruato. Alij te diem tuum
tempore obsidij obiisse: alij in rixa à quodam per
insidias dolosè interfectum omni asseueratione
affirmabant. Sed præclaræ istæ Odæ, quas non
sine maxima animi voluptate percurri, testan-
tur te viuere & valere, tuasq̃ue Musas minimè esse
ἐκνηγὰς κατὰς ἐν πυθμῆνι χηλῶ; sed adhuc quam-
uis diuturno & calamitolo bello turbatas ὑμνεῖς
ἀθανάτως, ὑμνεῖν ἀγαθῶν κλέα ἀνδρῶν, vt est apud
Poëtam, qui ait hoc esse proprium Musarum of-
ficiū. Si exemplaria hic haberi possent, mitte-
rem duo in superiorem Germaniam, vnum ad
Stur-

Sturmiū, qui Satýras tuas, quū ante biennium
 Argentinae essem, auidē legebat, alterū ad Melis-
 sum Heidelbergā, qui te, nec immeritō, facit plu-
 rimi, & pro doctissimo huius ætatis Poëta habet.
 Rōgavit ille me iterum & sæpius, vt sua Poëmata
 tecum communicarem. id quod nunc facio. Libri
 sunt duo: Schediasmata Poëtica, & Schediasma-
 tum reliquiae. Velim mihi rescribas, an illa accepe-
 ris. Ego sum Hollandis hīc omnibus notus. appel-
 larem illos ὁλάνδρους, si pugnarent pro patria, vt
 tu facis καὶ μόνος, καὶ μετὰ πολλῶν, vt olim Attici, ex
 formula iurisiurandi. Lipsius noster, quū hīc
 cum vxore domicilium haberet, tui sæpe non sine
 significatione summæ beneuolentiæ, mēmor fuit.
 Rediit ante menses aliquot in Belgium, & nunc in
 paterno prædio suam Bibliothecam tractat. Dedit
 nobis Cornelium Tacitum emendatiore, & No-
 tis illustratum: dabitque propediem Plautum &
 Antiquas lectiones suas. Vtenhoniū est Eber-
 ueldæ, quod est prouinciæ Bergensis oppidulum.
 Poëtatur strenuè, sed non ita, vt pariat sua in
 manus hominum venire. Multa inchoat, sed nihil
 perficit. in summa, sibi nūquam satisfacit. Ioseph.
 Scaliger edidit Festum, editurus & Noniū & Au-
 sonium, cum suis Cōiectaneis. Quid? si videamus
 aliquandō ipsius Scholia in Plautū? nam de Lam-
 biniano Plauto altum nūc Parisiis silentium. imō
 verō

verò Musæ Gallicæ nescio quò turbatæ auolarûr.
 Vale, mi optatissime Doula, & nos amare perge.
 Amicis si qui istic sunt, qui mihi bene volunt, salutem.
 Iterum vale, & ignosce festinationi. Colonia. pridie Kalendas Iunias. anno. C15. 12.
 LXXV.

EPISTOLA, QVAE HVIC
 RESPONDET, QVONIAM IAMPRI-
 dem, putà ante sexennium, vnà cum superiori-
 bus illis Poëmatum nostrorum struicibus
Edita Lugduni Batauam peruenit in aurem,
(In Batava quicquam si tamē aure meū est)
 consultò à nobis prætermittà hoc loco: primùm
 faciundi compendij causà, simul veteris Pro-
 uerbij admonitu, ne recoctum illud de *Gramba*,
 conuicium audiremus scilicet. nam quid co-
 est opus?

IANI

Magnum atque verè nobilem Redingerum:
 Valeq; longum dicere & sago & Marti?
 O si Deum quis me recessibus demum
 Inferret illis, Musicasq; quarenti
 Monstraret arces: hic ubi coronati
 Hedera capillos, laureae, myrtine,
 Sedent in alto principes Tribunali
 Vtenhonorum uterque, & ipse, qui Graia
 Libraria unus instar atque Romana est,
 Ciceroniano Sturmius potens ore.
 Quando, ô Melisse, colloqui mihi tecum;
 Quando, Gerarde, te videre contingeret,
 Audire quando, flosculos disertorum?
 Et nunc sub alta populone, vel nigra
 Pinuiacere, nunc Nicri Palatinis,
 Rhenine ripis ambulare vobiscum?
 Hoc si liceret, ne mihi Deum vitam
 Vivere viderer, sceptrâ prouocaturus
 Opesq; Regum, quaq; prima mortales
 Ducunt, honorum culmina, hinc Tribunatus,
 Sella hinc Curulis premia, inde Prætura,
 Aut Consulatus, unico hercule unoq;
 Nostro iocoso serione congressu.
 At non abire à patria focis possum,
 Rempublicamque relinquere, Seminaurorum
 Direptioni incendiisq; vastandam.
 Quid restat ergò? quid, nisi equa uti mente,

Fatalibus quod ignibus stat impressum,
 Feramus, & Deo heu Necessitatiq;
 Obediamus, temporiq; presenti?
 Tantum est. proinde ne fidem ipse sublestat.
 Geras cauto; verum amor o respondens,
 Tuo sodali, mutuo, mei curam
 Serues perennem, absentiaq; longinqua
 Desiderium Gerarde; quod moues nobis,
 Frequentia fac lenias tabellarum.

GERAR.

GERARDI FAL-
KENBURGII EPIGRAM-
MATA ALIQVOT
GRÆCA.

Εἰς τὸν Δῶξαν.

Δῶξα παρ' Οἰκονδοῖς ναίων ἐνὶ πίοσι χώρῃ,
ἔξ Ὀηγενέων θνητὸς αἶμα φέρει.
Οὐδ' ἐφατῇ τόσον γενεῇ κλυτὸς δ' ἔχει
Ευπατριδῶν, ὅσων τῇ ἰδίῃ ἀρετῇ.
Τῷ τ' ἐπεὶ χάριτες θρέψαντι καὶ ἐνεία μῦσαι,
Ευκαθείης κέρω μάζον ὀρέξασθαι.
Καὶ κισσάρην αὖθις πολυηχία φοῖτος ὄπασι,
Καὶ νογίλον ἐπ' θῆκεν ἀειδοπόλον.
Αὐτὰρ ἔπειτα καλῶς ἵνα παῖς πεπονημὸς εἴη,
Ζεὺς πόρε Ζεὺς κείνῳ ὄλβον ἀπειρέσιον.
Ὡς ἄρα τῷν ἀρετῇ τε κικασμῶμος ἦδ' ἐκαὶ ὄλβος,
Ἐφροδόκος μυσέων καὶ χαρίτων τελέτης,
Θρέψατο καλ' ἀνιδίδως ἐπεὶ ὡς ὁ παλαιὸς ὄλωλε,
Δῶξα παρ' Οἰκονδοῖς δ' εἴμ' ἰλικῶνα νέον.
Νορτρίκκη ἰλικῶν πέλι' ἵν' ἐστ' ἡνίοδε Δῶξα
Μουσοπόλ' ὅς μ' ἔσας, μουσοπόλους πε τρήφει.

Εἰς Ἰόνιον.

Ως θάνει Ἀδελειανὸς ὁ Ἰόνιος, εἶπεν Απόλλων,
 Φεύγετε νῦν Μῆται, φύγετε νῦν Χάριτες.
 Τίς γὰρ ἐν πολέμῳ ἄμειν κεχαρισμένα ῥίζοι,
 Εἰ μὴ Δῶξ', ἀγαθὸς χ' ἱμεροφώνος ἴις.

Εἰς τὸ αὐτόν.

Πατριδὸς ἴο κλέος μετ' ἀμύμονα Ρωπεροδάμον.
 Κάτθανι, τοῖς λογίοις ἄλγεια πικρὰ λιπῶν.
 Ἰδμεν δ' εἰ ποθείης κλυτὸν ἔνομόν, Ἰόνιος ἔσκειν
 Ἀδελειανὸς Μυσῶν ἀδανάεωσς θερῶπων.

Ἄλλο.

Ἀδελειανὸς θερῶπων ὁ Ἰόνιος ἔπλετο Μυσῶν.
 Πισὸς ἐν εἰρήνῃ, πισὸς ἐν πολέμῳ.
 Κῆνος ἐν εἰρήνῃ πολλαῖς βίβλοισι τίθηλε,
 Καὶ περὶ ἧς πάτρεωσ' ὄλιγ' ἀμυρόμιτος.

Εἰς τὸ αὐτόν.

Γητρὸν μᾶν οἶδας Ἰόνιον; οἶδα τ' ἄνδρες,
 Κῦδος ἐὼς πάτρεωσ', Πιερίδων τιμήνα.
 Πῦν ὦν ἐν πολέμῳ διάγει; πολέμοισι μάχας πε
 Κάλπει, ἔναιαι ἀστερόεντα δόμοι.
 Οὐλοῖοις, ἔρηνίῃ δὲ κάτθανεν ἐν βασιλῇ.
 Χαῖρε κ' ἐν ἀθανάτοισι, χαῖρε φίλ' Ἀδελειανὸν.

Εἰς Φεργκισκοὺς τὸ Φαδρείχιον.

Φεργκισκος ἔνθα Φαδρείχιος κῆται μέγας,

Τῷ πατρὶς ὡς Ἰσλὶη κερωτρόςος,
 Τὸν ζῶσι καὶ κόσμησε Μῦσα Κελτικὴ
 Τῶν γραμμάτων πάντεσι καλοῖς ἀντίστοι,
 Ἐξ ὧν μαθηταῖς εἰφανοῖσις ἐπλέξατο,
 Μαραίνεμεν χρόνος ὃν μὲν ἔποτε δύναται.
 Θρηῖσι δ' εὐσελδορπικῆς παῖδ' εἰς σχολῆς,
 Ποθῶντες ἔχ' ἐυρόντες οἱ ὁμοῖοι.

Εἰς Ὁλάνδρου, τοῦ αὐτοῦ.

Ὁλάνδος ποτ' ἀνάλκεις ἔην κ' ἀχερίος ἀνὴρ
 Βελῆ καὶ πολέμοις παρημισακῶς.
 Νῦν δ' ἐτύχη ἀρετῇ Ὁλάνδος Ὁλάνδρου ἐαυτὸν
 Βελῆ καὶ πολέμοις δεῖξεν ἐτοιμότατον.
 Τὸς γὰρ Ἰσθρογυεῖς ἐδαμάσαντο πύργον αὐτῆς.
 Πολλὰ κ' ἐρρήγισεν ὁ δὲ ἔδωκε θάλασσαν.

IANI DOVSÆ AD
IVSTVM LIPSIVM
PHALEVCVS,

Ad sequentium pagellarum inanimenta ex-
plenda sub huiusdem opusculi exodium
percausam & quasi pro mantissa appensus.

*Q*UID mecum tibi, Iuste, miue tecum,
Suada, Amabilitas. Venus, Cupido?
Vobiscum mihi quid nouem Puella?
Frustrà blandidici mihi Lepores,
Frustrà verba solens prais Apollo.
Frustrà me Salisubsula Camœna
Ad vestros Socium choros vocatis.
Haud salto. patria hoc seueritatis
Lexq; ac Relligionis attegrata
Disciplina vetat. Sat, ah, sit. olim
Vestris staticulos dedisse Sacris,
Quàm diu in numerum pedes mouere,
Cum Iesseide, ius fuit Batauis.
Quò verò noua ferta floreâsue
Aptatus capiti meo corollas?
Cum myrtis mihi quid tuis Dione?
Cum Lauris hederisue, pampinisue?
Turdorum mihi pluris est salina,

Quin

Quin ex his potius placent corona.
 Neque est, quod bibulo leuare Vati
 Sitim Castalias aquas putetis,
 Temetum sitienti. Abite Nympha,
 Meri pernicies, abite. Nam quô
 Fontinalia mî Batauo? an ut fors
 Fiam tadifera Dea Sacerdos?
 Aut lymphatus ut audiam Poëta,
 Curatorq; mihi Hagiense detur
 A Pratore, iuuantibus propinquis?
 Non sum bardus, ut ante sat diu sat
 Insanisse Poëticos furores,
 Ac ludum videor dedisse nugis.
 Nunc mores alios requirit atas:
 Et tempus sapere, ah iocis relictis,
 Patruos aliquando. Adesto Stoa,
 Et quantum est hominum seueriorum.
 Iam Ianus patruos sapit, bifrons ô
 De unifronte repente factus: & se
 Batauis studet auribus probare.

At vos ite procul, valete Musa,
 Suada, Amabilitas, Venus, Cupido,
 Et quantum est hominum facetiorum,
 Et tu Barbaria, inficetiaq;
 Pestus perniciesq; certa Lipsi. haud
 Arbitraria, Vatum ocelle Lipsi.
 (Quid mecum tibi quaeso, mine tecum?)

Non est iam locus hoc in orbe vobis,
Inter tot creperi vices duelli,
Inter tot vadimonia, & querelas
Hinc domi inde foris, tot Actionum
Tricas, pondere mercium malarum
Nobis terga onerantium adde seculo
Tam bardo bliteoq; & inficeto;
Nec quicquam sapiente ad hunc Catonem:
Tam non temporibus Maronianis,
Sola heu Barbaries quibus triumphat,
Et calo, vice Numinis, locatur;
Despectusq; odiumq; literarum
Regnant, absque modo & modestia omni:
Et quum pramia debita eruditus
Vultur nescio quis Forensis aufert,
(Genus quod stolidissimum videtur)
Aut mendax sine fronte circulator;
Vel miles, modò miles, ante ago.
Quid refert? tamen his, modi istiusq;
Hei nugis hominum inuenustiorum
Honores minimiq; maximiq;
Sacerdotia, Regna, Consulatus,
Summe denique deferuntur ultrò
Rei munia Publica, omnia unis:
Quæ quum hoc tempore Barbaros sequantur,
Gratis esse quis eruditus optet?

F I N I S.